

後集 三六之四十

麒麟

騶虞

獅子

象

犀

橐駝

虎豹

熊羆

鹿麀

猿猴

狐狸

猩猩

萬萬

豺獾

兔

馬駒

牛羊

豕

狗

事
文
類
聚

新宮城書藏

4加3
167
10



167
10

新編古今事文類聚後集卷之三十六

賜藎文庫

建安

祝穆

和父

編

金陵

唐富春

子和

刊

毛蟲部

麒麟

獬豸附

東京書局

羣書要語毛蟲二百六十而麟為之長 大戴禮 牝曰麒麟牡曰麟

麟麕身馬足牛尾黃色圓蹄一角角上有肉音中律呂王

者至仁則出 詩疏 麟者含仁懷義行步中規折旋中矩游必擇

土翔而後處不履生蟲不折生草不羣行不旅行不犯陷穿不

罹網罟 廣雅 天不愛其道地不愛其實人不愛其情故麒麟在

利 267 / 10

郊藪 禮運 麟鳳龜龍謂之四靈 禮記 麟鳳王者之嘉瑞 左 使麒

麟可得羈而繫兮又何以異乎犬羊 楚辭

詩句 翩然下大荒被髮騎麒麟 韓 早聞黃閣畫麒麟

舞象 似羊一角 說文

冠豸 猶屈蠖 孟

古今事實

在囿在藪

黃帝時麒麟在囿 尚書中候 周之成康麟鳳在郊藪 前武紀

麟喻公子

周南國風麟之趾振振公子于嗟麟兮

西狩獲麟

魯哀公十四年西狩於大野叔孫氏之車士曰子鉏商獲麟以爲不祥賜虞人仲尼觀之曰麟也然後取之與麟者仁獸王者之嘉瑞時無明王出而遇獲仲尼傷周道之不具感嘉瑞之無應故修春秋爲中注之教也絕筆於獲麟之一句所感而起故所以爲終也故曰感麟而作春秋也 左傳 鉏商於大野獲麟折其左足孔子觀之曰孰爲來哉反袂拭面泣涕霑襟子貢問曰何泣孔子曰麟爲明王出非其時見害是以傷焉 家語

獲麟改元

漢武帝元朔九年幸雍祠五時獲白麟一角由是改元作歌

五十一見

章帝時麒麟五十一見

性識有罪 係獬豸

獬豸一角之羊性識有罪臯陶治獄有罪者令羊觸之

能觸邪枉

獬豸忠直見人闕則觸不直聞人論則咋不正一名任法獸張

華曰今御史法冠曰獬豸 神記經

古今文集

雜著

獲麒麟

麟之為麟昭昭也詠於詩書於春秋雜出於記傳百家之書雖
婦人女子皆知其為祥也然麟之為物不畜於家不常有於天
下其為形也不類非若犬豕豺狼麋鹿然然則雖有麟不可知

其為麟也角者吾知其為牛鬣者吾知其為馬犬豕豺狼麋鹿
吾知其為犬豕豺狼麋鹿惟麟也不可不知不可知則其謂之不
祥也亦宜雖然麟之出必有聖人在乎位麟為聖人出也聖人
者必知麟之果不為不祥也又曰麟之所以為麟者以德不以
形若麟之出不待聖人則其謂之不祥也亦宜哉

麟趾贊

黃魯直

麟有趾而不踈仁哉麟哉有定而不抵仁哉麟哉有角而不觸
仁哉麟哉今之人一朝之忿以觸人滅身辱親嗚呼人中有獸
獸中有人

騶虞

羣書要語白虎黑文尾長於身食自死之肉名曰騶虞說文不
食生物不履生草君王有德則見虫魚疏

古今事實

仁如騶虞

文王詩彼茁者葭一發五犯于嗟乎騶虞

騶虞贖罪

文王囚姜里散宜生取恠獸尾獻紂以贖其身名曰騶虞尚書

大傳

古今文集

雜著

騶虞畫贊

白居易

騶虞仁瑞之獸也其所感所食暨形狀質文孫氏瑞應圖具載其事元和元年夏有以騶虞圖贈予者予愛其猛而威內仁而信又嗟曠代不覲引筆讚之詞曰 孟山有獸人心毛質不踐生芻不食生物有道則見非時不出三季以還退藏于密我聞其名徵之於書不識其形得之於圖白質黑文貌首虎軀是耶非耶孰知之乎已矣夫已矣夫前不見其往者後不見其來者于嗟乎騶虞

師子

羣書要語說文師子也一名白澤說文狡狴如麤猫食虎豹爾雅

毛羣之長大帖形似虎正黃有髯形尾端茸毛大如斗東觀漢記

白澤能言

黃帝巡於東海白澤出能言語賢君德及幽遠則出

孫氏瑞應圖

獻師子

漢章和安息國獻師子○唐中宗大石國獻師子姚璿諫止獻

狸伏師子

魏武伐頓首經白狼山逢師子使格之見一物從林中出如狸上帝車軌上師子將至便跳上師子頭師子伏不敢起遂殺之得師子還至四十里雞犬皆無鳴吠

博物志

師禦象

宋宗毅討林邑王范陽邁傾國來逆以具裝被象前後無際毅

以為外國有獅子威服百獸乃製其形與象相禦象果驚奔因此潰亂遂克林邑

師子搏象

梁伯玉說沙門釋僧吉云嘗從天竺欲向大秦其間忽聞數千里外哮嗷嗷驚天怖地頃之但見百獸率走踏地至絕既而四巨象虓焉而至以鼻卷泥數數噴鼻偶立俄有師子三頭崩石折木直搏四象以殪血若溢泉巨樹草偃

宋炳擊象圖序

雜著

師子替序

張九齡

夫德之所感者深物之所懷者遠中國有聖占候而自來四夷

不王征伐而難致故絕域有來貢沒羽諸侯有不入包茅舉其
大凡不在遐邇頃有至自南海厥繇西極獻其方物而師子在
焉爾雅所謂狻猊如彪猶食虎豹今之所見信然絕猛者也其
天骨雄詭材力傑異得金精之剛為毛羣之特屹立不動而九
牛相去眈視且嗔則百獸皆伏所以肉視犀象孩撫熊羆其餘
瑣細不置牙齒我天子示柔遠之義固無不庭有服猛之威物
無難致故其受羈縲伏閑皂馴而為用鋒莫敢當然吾君所存
義不謂此蓋蠻夷君長歲時貢獻或珠琛絕賁實於內府或異
獸奇禽擾於外圍皆其覲禮若中國之贊幣所不辭讓明異方
之臣妾此則非有利之之心充耳目之玩好以為懷之之道未
天地之含容不其然欤故無得而稱也義與大犬豈勞召公之

訓美同赤豹何闕韓侯之詩凡我侍臣咸為之贊

師子賦

虞世南

時西域康居獻師子帝珍其遠命世南作賦

惟皇王之御曆乃承天而則大治至道於區中被仁風於海外
通鳳宄以文軌襲龍庭以冠帶舍夷言於藁街陳方物於王會
眇眇地角悠悠嶂表有絕域之神獸因重譯而來擾其為狀也
筋骨糾纏殊姿異制闊臆修尾勁毫柔毳鈎爪鋸牙藏鋒蓄銳
弭耳宛足伺間借勢暨乎奮鬣舐唇倏來忽往嗔目電曜發聲
雷響拉虎吞貔列犀分象碎隋兕於齧齧屈巴蛇於指掌踐藉
則林麓摧殘嗟呼則江河震蕩服猜心與猛氣遂感德以依仁
同百獸之率舞共六擾而來馴斯則物無定性從化如神譬鱗

羽變質於淮海金錫成器於陶鈞當是時也兆庶欣瞻百僚嘉
歎悅聲教之遐宣屬光華之在日臣載筆以叨幸得寓目於奇
玩順文得以呈祥乃編之於東觀

樊少府廳師子贊

高適

百獸至猛莫如師子紺眼星懸赤毛焰起銅爪鐵甲鋸牙鑿齒
顧犀象則百隊山踰看熊羆則千羣野死以此言威威可知矣
仙尉樊公寫象圖中崑崙却掉而屋壁欲動虎豹膽懼而訟庭
已空稜稜兮隔簾飛霜颯颯兮滿院風生於是乎師子為百獸
之長遂識樊公為百夫之雄

師子屏風贊

并序

蘇子瞻

潤州甘露寺有唐李衛所留陸探微畫師子板余自錢塘守膠

西過而觀焉使工人摹之置公堂中且贊之曰

圓其目仰其鼻奮鬣吐舌威見齒舞其足前其耳左顧右盼豈
見尾雖猛而和蓋其戲習留高堂護燕几啼呼顛沛走百鬼鳴
呼妙哉古陸子

象

羣書要語象長鼻牙南越之大獸三歲一乳

說文

象牙長丈餘

脫其牙則深藏之削木代之可得爾窮其土得乃已也

南越

志已蛇食象三歲而出其骨

山海經

詩句山腰雨餘添象跡

柳赤手縛象犀

荆公

古今事考

象耕

舜葬蒼梧下有羣象常為之耕自王用說謂帝王世紀

驅象

周公相武王滅國者五十驅虎豹犀象而逐之滕文

執燧象奔

吳伐楚鍼尹國與王同舟王使執燧象奔吳師杜預曰燒燧更繫象尾使吳師驚却左傳

南海獻象

武帝時南海獻馴象注能拜隨人意意成帝時林邑王獻象一能拜跪

象戰

王莽與世祖戰昆陽驅羣象大死身毒國其人乘象以戰漢書

師子禦象見師子門

作樂象舞

吳賀齊為新都太守孫權出祖道作樂舞象權謂齊曰今定天下都中國使殊俗貢珍百獸率舞非君而誰

以船秤象見幼悟明

馴象擊人

晉時南越致馴象於臯澤中養之為作車黃門鼓吹數十人令越人騎之每正朝大會皆入充庭帝行則以象為導引以試橋梁後象以鼻擊害人有司啓之欲殺象象垂鼻泣血流地不敢動自後朝議以象無益於事悉送還越晉諸公讚

天寶舞象

明皇所教舞象天寶之亂祿山大宴胡酋出象給之曰此自南海奔至以吾有天命雖異類必拜舞左右教之象皆努目不動終不肯拜祿山怒盡殺之

南楚新聞

古今文集

雜著

象贊

郭璞

象之為獸形骸特詭身倍數牛目不踰稀鼻為口役望頭若尾馴良承教聽言則跪素牙玉潔載籍所美服重致遠行如丘徙

虞衡志

范至能

象出交趾山谷惟雄者有兩長牙佛書云白象又云六牙今無

有象頭不可俯頸不可回口隱於頤去地尚遠運動以鼻為用一軀之力皆在鼻將行先以鼻拄地乃移足知其足力劣於鼻也鼻端甚深可以開闔取物中有小肉夾雖芥子亦可拾每以鼻取食即就爪甲擊去泥垢而後捲以入口飲水亦以鼻吸而捲之足如柱無指而有爪甲五枚形如大栗登高山下峻坂涉深水形擁腫而甚捷交趾出象處曰象山歲一捕之山有石室惟通一路周圍皆石壁先置芻豆其中驅一馴雌入焉布其蕪于道以誘野象象來食蕪則縱馴雌入野象羣誘以歸石室隨以巨石室門象飢人緣石室飼馴雌野象見雌得食亦狎而來求飼益狎則鞭之少馴則騎而制之久則漸解人意又為立名字呼之則應牧者謂之象奴又名象公凡制象必以鈎象奴正

事文類聚卷之三十六 九
誇其頸以鐵鈎鈎其頭欲其左鈎頭之右欲右鈎左欲却鈎額
欲前不鈎欲其跪伏以鈎正案其腦案之痛則號鳴人謂象能
聲諾者此也其行列之齊皆有鈎以前却左右之其形雖大而
不勝痛故人得以數寸之鈎馴馬馴之久者象奴來則低頭跪
前左膝人踏之以登則奮而起行蠻酋出入多乘象其貢中國
者皆施鞍架御座號羅我象額編金鈴千數枚行則琅琅然及
人有犯惡逆者卧之地使象蹴殺之二廣亦有野象村落小民
酒熟則尋香而來破壁入飲人甚苦之所過亦害禾稼象目細
畏火不畏人倉卒遇之以長竹繫火逐之輒退羣象雖多不足
畏惟獨象最可畏蓋其強悍不容於羣獨行無所忌遇其四毒
以鼻捲之擲殺蹙其血流吸飲之欽州人能捕象象行觸機則

刃下擊之中其要害必死將死以牙觸石折之以牙為身災也
非要害則負刃而行肉潰則刃脫傷其鼻亦必死鼻傷之瘡不可
合故亦致死殺一象村眾飽其肉鼻肉最羊太熟而加糟糟透變
而食之象皮可以為甲或條截之捶之至乾治以為杖甚堅

犀

羣書要語犀似豕形似牛頭大腹卑脚有三蹄黑色二角一在

鼻上者食角也

爾雅

鼻上角長額上角短

交州記

處自林麓食惟

荆棘

角州異物志

得真角一尺以上刻以為魚銜入水水為開

三尺

抱朴子

詩句 匣龍期刺犀

孟

何但入海求靈犀

歐

燃犀照水 見水怪門

蜀作石犀

蜀江水為害太守李陽冰作石犀五枚二枚在府中一枚在市橋下二在水中以厭水精 蜀志

駭雞犀

通天犀角有白理如線置米羣雞中雞往啄米犀輒驚却故南人呼為駭雞犀 抱朴

辟寒犀

開元中冬至交趾國進犀角使者請以金盤置於殿中溫然暖氣襲人曰此辟寒犀也 六帖

辟暑犀

文宗延學士李訓講周易時方盛夏上命取辟暑犀以賜 六帖

古今文集

雜著

犀贊

犀之為狀形兼牛豕力無不傾吻無不靡以賄嬰災因乎角倚 郭璞

古詩

馴犀

馴犀馴犀通天犀軀貌駭人角駭雞海蠻聞有明天子驅犀乘傳來萬里一朝得謂大明宮歡呼拜舞自論功五年馴養始堪獻六譯語言方得通上嘉人獸俱來遠蠻館四方犀八苑餽以

瑤芻煉以金故鄉迢遞君門深海島不知鍾鼓樂池魚空結江湖心馴犀生處南方熱秋無白露冬無雪一入上林三四年又逢今歲苦寒月飲水臥霰苦蹇角骨凍傷鱗甲縮馴犀死蠻兒啼向闕再三顏色低奏乞生歸本國去恐身凍死似馴犀君不見建中初馴象生還放林邑君不見貞元末馴犀凍死蠻兒泣所嗟建中異貞元象生犀死何足言

橐駝

羣書要語橐駝日行三百里負千斤 山海經脊上有一封若封

土然 漢書月氏注脊如馬鞍 鄴中記

詩載實駝呼圓 乙轄反韓昭句橐垂鈴棧駝鳴圓 荆公紫駝

之峯玄能掌 放翁

古今事實

能知水脉

燉煌西渡流沙往外國十餘里中無水時有伏流處人不能知橐駝知水脉過其處輒停不行以足踏地人掘之輒得水 博物

老駝知風

流沙數百里夏日多熱風為行旅之患其風欲至唯老駝知之即預鳴而驟之埋其口於沙中人以為侯即羶擁其鼻口其風迅速須臾即過不爾則至危斃 後周四夷傳

古今文集

雜著

橐駝贊

郭璞

駝惟奇畜肉鞍是被迅驚流沙顯功絕地潛識泉源微乎其智律詩

橐駝

梅聖俞

鳴駝出西域銜尾自連連漢驛凌雲去胡人踏雪牽當時識風候過磧辨沙泉老覺肉封側猶蒙錦帕鮮

虎 豹 獬並附

羣書異語 虎山獸之君也

說文

風從虎

乾卦

虎視眈眈其欲逐

逐 頤

大人虎變其文炳也君子豹變其文蔚也

革

履虎尾不咥

人亨 履

心之憂危若蹈虎尾

易

取彼譖人投畀豹虎

詩

家臯毗

虎皮也

而先犯之

莊子

虎兕出於柙

語

撩虎尾編虎鬚

莊盜語

或

問質曰羊質而虎皮見草而悅見豹而戰忘其皮之虎也

楊子

狸變則豹豹變則虎

同上

或問酷吏曰虎哉虎哉角而翼者也

同上

猛虎處深山百獸震恐

司馬遷書

虎在檻穽搖尾而求食

同上

不入虎穴安得虎子

班超傳

畫虎不成反類狗

馬援傳

所

謂養虎自遺患也

張良傳

猛虎在山藜藿為之不採

吳兢傳

虎

嘯而風冽

王褒頌

騎虎之勢必不得下

隋獨孤后紀

縛虎不得

不急

呂布傳

詩句 虎嘯深谷底

選

猛虎憑林嘯

選

虎跡過新蹄

杜

虎豹嗥我

東 杜

猛虎又棹尾磨牙皓秋霜

李白

射殺南山雪毛虎

坡 南山

白額正橫行

朱喬年

豹似虎說文有赤豹有玄豹狐死首丘豹死首山是性之異也

廣志毛赤而文黑謂之赤豹毛白而文黑謂之白豹詩疏

詩句雖無玄豹姿且隱南山霧謝眺

白豹也似熊小頭卑脚能舐食銅鐵及竹爾雅

古今事實

苛猛於虎

孔子過泰山聞嬪人哭子問之曰吾舅與夫及子俱死於虎子曰何為不去曰無苛政孔子曰苛政猛於虎

暴虎馮河

子路問曰子行三軍則誰與子曰暴虎馮河死而無悔者吾不與也

因虎命名

令尹子文初生棄於夢澤虎乳之楚人謂乳為穀奴十謂虎為反菟命之曰閻穀於菟

兩虎爭鬪

卞莊子刺虎管堅子止之曰兩虎方食牛牛甘必爭鬪則大者傷小者亡從傷而刺一舉必有兩獲莊子然之果獲二虎

袒裼暴虎

大叔段袒裼暴虎獻于公所

馮婦搏虎

晉人有馮婦者善搏虎則之野有眾逐虎虎負嵎莫之敢櫻望見馮婦趨而迎之馮婦攘臂下車眾皆悅之

言市有虎

龐共與太子質於邯鄲謂魏王曰今一人言市有虎王信乎曰
不二人言王信乎曰不三人言王信乎曰寡人信之龐共曰夫
市無虎明矣而三人言成市虎願王察之

韓子

兩虎俱鬪

藺相如避廉頗曰令兩虎俱鬪勢不俱全

視虎皆裂

秦召公子無忌不行使朱亥奉壁一雙秦王大怒將朱亥着虎
圈中亥瞑目視虎皆裂血出濺虎終不敢動

烈士傳

射石為虎

見射門

赤刀厭虎

東海人黃公小時能幻制蛇御虎常佩赤金刀及衰老飲酒過
度有白虎見於東海黃公以赤刀往厭之術不行遂為虎所食

西京雜記

人馬辟易

裴旻守北平善射一日得虎二十一父老曰此虎也稍北有真
虎必敗旻怒馬趨之有虎小而猛據地大吼旻馬辟易弓矢弛
自是不復射

除虎害

見蛟門

虎渡江

宋均遷九江太守郡多暴虎均下令去檻穿其後虎相與渡江

虎渡河

劉琨為弘農守有異政虎乃負子渡河帝聞而詔問之對曰偶然耳左右笑其質訥帝歎曰此乃長者之言也

人化為虎

牛哀病七日化而為虎其兄啓戶而入虎搏而殺之方其為虎不知其嘗為人也方其為人不知其且為虎也

淮南子

或問世

傳有人化虎理有之乎曰有之昔在涪村見民爪甲漸變如虎毛斑斑然遺身夜開關延虎食其牢中之豕化雖未成而氣類相感其情已通矣

程氏遺書

不畏虎吼

魏明帝於宣武場上斷虎爪縱百姓觀之王戎方七歲亦着虎乘間攀欄而吼其聲震地觀者無不辟易顛仆戎湛然無恐色

搏虎救父

楊香其父為虎噬忿憤搏之父免害

孝子傳

暴虎示戒

唐鍾傳少醉遇虎與鬪搏其肩傳亦持虎不置會人斬虎得免既貴悔之戒諸子曰士尚智與謀勿効吾暴虎也

格虎自贖

元德秀為魯山令虎為暴盜請格虎自贖許之明日盜尸虎還

南山澤霧

以下係豹見霧門

管中窺斑

王羲之傳客曰此郎管中窺豹特見一斑

古今文集

雜著

裴旻將軍射虎圖贊

并序

李朝

世稱裴將軍射虎而不及見駕部郎中兼待御史滎陽鄭公博物好古旌能尚藝于裴氏子得其先人射虎圖傳以示予壯哉古今之未有倫也夫弧矢之用所以服猛除暴而威戎狄彼鼓弓鳥下拾矢猿號工則工矣是射之末節開元中山戎寇邊玄宗命將軍守北平州以捍薊之北門公嘗率偏車橫絕漠策馬陷重圍搖轆轤而百萬洞開驅橐駝而沙場一掃威稜大矣而北平連山廣野地實多虎擇肉於人如有飛翼荐食邊鄙甚於戎狄公於是屏車徒去矛鍔馳單騎鼓曰羽挑之使來翼之而迴從容反視咫尺旋翫心卽其度手張其機左射右拂縈之

疊四中皆沒羽倒必應弦毛紛血灑腋洞心穿或叱之而弭伏或筆之而却走將威有所勝氣有所全精專于中志正於內故能以一人之力戰羣虎之命雖有矯牙冠羣亦垂頭塌尾應鏑而斃如此者凡三十有一矣其餘竄匿不敢復出大漠之南鳥獸咸若胡人畏威不敢南牧茲所謂剛猛除暴而戎狄格昔漢飛將軍亦爲北平守擊胡有困辱之事射虎有騰傷之患其與將軍神勇非爲侔矣鄭公旣寫其圖俾予贊之詞曰

慢彼山戎噬我封畧有羣者虎載肆騰搏邊毗凜凜若崩厥角將軍出塞屏黜車騎進馬前當挺身以餌威有所服精有所聚氣全以雄力果而取震驚雙雙虎及如鼠威武桓桓人及如虎勁弓雷霹長矢電激中口穿背貫心洞腋視如空皮劃若破的

絕慢連斃紛紜枕籍披鞍逞叱揮筆逆擊閉目沉冥喪精辟易
三軍駭呼萬靈動魄海波爲騰塞草皆赤下莊俟闔方聞兩獲
美將如飛幾爲所扼將軍神勇冠世超昔猿號木工飲羽非敵
弧矢之設以威四方羣虎旣夷狄人來降收闔罷局山川以寧
至今北荒猶畏其靈

旼獲虎頌

并序

符載

英華

六年冬十二月臘日甲辰節度使御史大夫樊公旼於郢城修
軍禮先是里人之訟乳虎爲暴肆毒貪婪白晝旣行罔早無豕
牛林麓絕樵蘇老幼愁恐極於兵寇旣卜其穴乃大搜而取之
爽氣凌厲土坳餘怒思與鬪死莫有異慮敲拍撲芟殺策刷
洞草篠之冥密劃蒙蔓之纒絡勢窮則搏鬪於莽下觀其怒氣

之所狡憤迅軀之所騰時踞牙之所噉齧鈎爪之所拏攫傑傑作
人立呀若箕張聲軋暴雷目爍燃炬有一人烏獲之倫威鬱奮
傑標技擴決憑鬣奮怒毛豎背裂鎗長戟以撐拒乃奮身而掠
刃勢傾力絕四偃在地穿喉貫背爪有餘搏於是騰氣射虹霓
酣噪破山林耄老慶童稚抃林漓聳負獻于公所於是回鑣返
旆校能計獲發府庫行飲勞賞功也因知公之師可以振文經
可以翊皇威可以截不庭可以攝四夷豈獨躡荒山殪猛獸馳
騁觸履左旋右抽而已哉載目覩盛烈敢愛文字使其闡然而
不章手迺作頌曰

玄陰凝兮殺氣厲揚三軍兮順時殺鉞戟羅兮山谷隘飛走殫
兮林莽壞有虎勃起兮萬夫駭闕呀天躡兮雷庭喝紆沉慮兮

振明戒于一奮今傾五害旋勝軍今翻大旆空舉藪今樂幼艾
勇毅之師無與對可誅不王截海外

古詩

猛虎行 四言

李賀

長戈莫春疆弩莫抨乳孫哺子教得生獐舉頭爲城掉尾爲旌
東海黃公愁見夜行道逢獨虎牛哀不平何用尺刀壁上雷鳴
泰山之下婦人哭聲官家有程吏不敢聽

猛虎行贈李宗閔

韓愈

宗閔初爲裴度所引後度薦德裕相宗閔怨故作
猛虎雖云惡亦各有匹儕羣行深谷間百獸望風低身食黃熊
父子食赤豹麀擇肉於熊羆肯視兎與狸正晝當谷眠眼有百
步威自矜無當對氣性縱以垂朝怒殺其子暮還食其妃匹儕
四散走猛獸還孤棲狐鳴門四旁出逐猴入居烏鵲從噪之虎
不知所歸誰云猛虎惡中路正悲啼豹來銜其尾熊求攫其頤
猛虎死不辭但慙前所爲虎兕無助死况知汝細微故當結以
信親當結以私親故且不保人誰信汝爲

猛虎行

歐陽永叔

猛虎白日行心閑貌揚上當路擇人肉罷猶不形相頭垂尾不
捍百獸自然降暗禍發所忽有機埋路旁徐行自踏之機翻矢
穿揚怒吼震林丘瓦裂兒墮床已死不敢近目睛射餘光虎勇
恃其外瓜牙利鉤鉗人形雖羸弱智巧乃中藏恃外可摧折藏
中難測量英心多決烈自信不猜防老狐足姦計安居穴垣墻

窮冬聽水渡思慮豈不長引身入扱中將死猶跳跟狐姦固可笑虎猛誠可傷

猛虎行

張籍

南山北山樹冥冥猛虎白日遶村行向曉一身當道食此中麋鹿盡無聲年年養子在深谷雌雄上下常相逐客中近窟有山村長向林中取黃犢五陵年少不敢射空來林下看行跡

虎圖行

王介甫

漫叟詩話荆公嘗在歐公坐上賦虎圖眾客未落筆荆公已就歐公讀之爲之擊節坐客閣筆不敢作

聞見錄韓魏公知揚州王荆公爲僉判以魏公非知我者每日韓公但形相好耳作畫虎圖詩詆之

壯哉非熊亦非羆目光夾鏡當坐隅橫行妥尾不畏逐顧盼欲去仍躊躇卒然一見心爲動熟視稍稍摩其鬚固知畫者巧爲此此物安肯來庭除想當盤礴欲畫時睥睨衆史如庸奴神閑意定始一掃功與造化論錙銖悲風颯々吹黃蘆上有寒雀驚相呼槎牙死樹鳴老鳥向之俛噉如哺雛山墻野壁黃昏後馮婦遙看亦下車

畫虎圖

游子明

平生射虎裴將軍馬悍如龍弓百鈞手撚白羽傍無人注虎使虎不敢奔須臾叢薄爛斑出人馬不知俱辟易矢如蓬蒿弓城力將軍得歸幾敗績徐行瓜牙元不露眈眈垂頭若微顧尾剪霜風林葉飛倏忽山頭日光暮包家畫出真於菟我尚不敢編

其鬚昔人作詩譏畫圖吁嗟畫圖今亦無

古詩係豹

文豹篇贈黃介夫

梅聖俞

壯哉南山豹不畏白額虎澤霧毛雖雜鼯鼠朝將其鬚暮飲乳
文章子雲久已許還笑丈夫費五羖天子仗中儀物舉尾與施
常願看取

雜著係豹

獬屏贊并序

白居易

獬者象鼻犀目牛尾虎足生南方山谷中寢其皮辟瘟圖其形
辟邪予舊病頭風每寢息常以小屏衛其首適遇畫工合寫之
按山海經此獸食鐵與銅不食他物因有所感遂為贊云

邈哉奇獸生于南國其名曰獬非鐵不食昔在上古人心忠質
征伐教令自天子出劔戟省用銅鐵羨溢獬當是時飽食終日
三代以降王法不一鑠鐵為兵範銅為佛佛像日益兵刃日滋
何山不剗何谷不墮銖銅寸鐵肩有子遺悲哉彼獬毋乃餒而
嗚呼匪獬之悲惟時之悲

熊羆

羆書要語熊似豕山居冬蟄春出說文熊能攀緣上高樹見人
則顛倒投地而下詩熊於山中行數千里悉有陔伏之所必
在崑谷林木中山民謂之熊館唯虎出百里外則迷失道路墨
容揮犀魚我所欲熊掌亦我所欲孟子

似熊黃白文長頭高脚猛憨多力爾雅熊羆狐狸織皮禹貢

詩句青兕黃熊向我啼杜熊羆洵深林杜熊羆守翠微杜深叢

見孤羆韓

古今事實

鯨化黃熊

昔堯殛鯨於羽山其神化為黃熊以入于羽淵實為夏郊三代

祀之國語作黃熊奴來切三足鱉也

禹化為熊

禹治水通轅轅山化為熊謂塗山氏曰欲餉必聞鼓聲乃來禹

排石誤中鼓塗山氏往見禹方作熊慙而去武帝紀注

熊蹯不熟

晉靈公不君使宰夫而熊蹯不熟殺之寘諸畚載以過朝宣二

病而夢熊

趙簡子病不知人五日寤而曰我之帝所見一熊欲援我帝命

我射之中熊能死有當道者曰帝令主君滅晉二卿熊其祖也

史記

夢熊為厲見瘡疾門

馮媛當熊見嬪妃門

負人出坎

晉升平中有人入山射鹿忽墮一坎內有數頭熊子須臾有大

熊來入瞪視此人人謂必害已良久出藏果分與諸子未後作

一分著此人此人饑久於是冒死取噉之既轉相狎習熊毋每

且覓食還輒分果此人賴以支命後熊子大其母一一負將出
子既盡人分死坎中窮無出路熊母尋復還入坐人邊人解意
便抱熊之足於是跳出遂得無他續搜神記

渭水非羆以下係羆

文王將田史編卜曰田于渭陽非龍非虜非虎非羆兆得公侯
天遺汝師及田渭陽見太公立為師六韜

熊羆入夢見譚子門

老羆當道

齊神武遣韓軌司馬子如從河東宵濟華州襲王羆羆不覺比
曉軌眾已乘梯入城羆尚臥未起聞問外凶凶有聲便袒身露
髻徒跣持一白挺大呼而詬曰老羆當道卧糴子那敢過敵見

驚退北史

古今文集

雜著

羆說

陳無已

晉人以犬獵以五犬逐一羆羆驚而力長於用犬所與敵者皆
天下強有力也犬弱而捷巧於用小顧左而右逐前而後羆不
能搏也行不數十里羆敗而伏犬更前而殺之獸之驚者爪莫
如虎齒莫如豕而羆食之故稱勇力必曰羆羆而受制於犬者
遇非其敵困於羣也詩云憂心悄悄愠于羣小羆之謂矣

鹿

麋

羣書要語麋牡也夏至解角鹿牡鹿也麋鹿子也麋鹿之絕有

力也說文鹿一千年為蒼鹿又百年化為白鹿又五百年化為

玄鹿列仙傳即鹿無虞惟入于林中易鹿鹿麋鹿吉日瞻彼中

林牲牲其鹿祭義鹿斯之奔維足攸攸小弁盱眙鹿場東山居

澤者不以鹿豕為禮禮記青莎雜樹蘋草霍靡白鹿麋麋或騰

或俊楚辭素毳呈彩霜毫應圖虞世南白鹿賦

麋麋也說文山中未日稱赤吏者麋也抱朴子

詩仰首嚙園柳附身飲寒泉韋應物鹿角芟芟尾攸攸張藉

詩居深山之中與鹿豕遊

與鹿豕遊

舜居深山之中與鹿豕遊

鹿鹿攸伏

文王在靈囿鹿鹿攸伏

歌鹿鳴詩

鹿鳴燕羣臣嘉賓也呦呦鹿鳴食野之苹我有旨酒以燕樂嘉

賓之心成王詩

捕鹿椅角

譬如捕鹿晉人角之諸戎椅之與晉掎之左

乘白鹿

老子乘白鹿下託於李母崔玄山李母碑

夢蕉覆鹿見夢門

鹿遊蘇臺

喜文類後集

卷之三十六

二四

鹿遊蘇臺

伍子胥諫吳王不用迺曰臣今見麋鹿游姑蘇之臺也伍被傳

獵麋還母

孟孫獵得麋使秦西巴載之持歸其母隨之而歸秦西巴弗忍而與之孟孫大怒逐之居二月復召以為子傳曰夫不忍于麋又且忍吾子乎

射麋及母

吳唐春日將兒出射正直鹿鹿將麋唐射麋即死鹿母驚還悲鳴唐伏於草中致麋淨地鹿母復來唐又射其母應弦而倒至前場又逢一鹿上琴將射忽箭發反激其子唐擲琴抱兒撫膺而哭聞空中呼曰吳唐鹿之愛子與汝何異唐驚聽不知所在宣驗記

得鹿家昌

昔有女子采薇菜有所驚而走因獲得鹿其家遂昌熾故屈子天問云驚女采薇鹿何祐

指鹿為馬

趙高欲為亂恐羣臣不聽乃先設驗持鹿於二世曰馬也二世笑曰丞相誤耶謂鹿為馬問左右或言馬以阿趙高或言鹿者高陰中言鹿者以法

夫鹿競逐

高祖詔捕劇通至問曰若教淮陰侯反乎對曰然秦失其鹿天下共逐之

重鹿賤人

武帝時有殺上林鹿者下有司收殺之東方朔時在旁曰是固當死者三陛下以鹿殺人一當死天下聞陛下重鹿賤人二當死匈奴有急須鹿觸之三當死

兩鹿隨車

鄭弘為臨淮太守行春有兩鹿隨車夾轂而行弘恠問王薄黃國鹿為吉凶國拜賀曰聞三公車輜蓋作鹿明府當為宰相弘果為太尉

後漢書

鹿觸墓松

見墓門

妖鹿惑人

謝鯉嘗宿一亭此亭從來殺人夜有黃水呼勿與鯉令伸臂窻中極力牽之臂脫乃去明日看乃鹿臂尋血遂獲之

幽真錄

仙鹿異常

蘇耽與眾兒俱戲獵常騎鹿鹿形如常鹿遇險絕之處皆能超越眾兒問曰何得此鹿騎而異常鹿耶答曰龍也

列仙傳

白鹿洞

李渤與兄涉俱隱廬山嘗養一白鹿因名其山曰白鹿洞南唐昇元中建學館以李道為洞主掌其教授

快馬逐麋

以下係麋

曹景宗曰我昔在鄉里騎快馬如龍與少年數十騎平澤中逐麋數肋射之此樂使人忘死

商史

道家食麋

李衛公說道書中言麋鹿無魂故可食陶隱居云麋鹿非辰屬

又八卦無王卽生死無尤故道家許聽爲脯牛羊雞犬雖補益
充肌膚於亡魂皆爲愆責並不足噉道書

古今文集

雜著

由鹿賦序

呂溫

正元丁卯歲予南出穰樊之間遇野人繫鹿而至者問之答曰
此爲由鹿由此鹿以誘致羣鹿也備言其狀且曰此鹿每有所
至輒嗚嗥不食者累日余喟然嘆曰虞之卽鹿也必以其類致
之人之卽人也亦必以其友致之實繁有徒古之然矣嗟乎鹿
無情而猶知痛傷人之與謀實安殘酷者彼何人斯彼何人斯
物微感深遂作賦曰

鹿之生今亦稟亭毒備凶角而自牧姑有昧於行止尚馬知乎
倚伏捨爾崇林輕遊近麗偶巧網之生致蒙主人之全育飲以
深芹飼于芳庭寢卧本柔勝倚蘭馨露往霜來日安月寧雖矯
性之非樂終感恩而不驚曾不知養非玩物用有深意命之曰
由俾陷其類涼秋八月爽景清氣羈致山阿縻于溪隧設伏以
待翳叢而伺同氣相求誘之孔易將必慕侶豈云貪餌啣啣和
鳴麇麇神至彼我慮於猜信此無情於誠僞孰是倉卒禍生所
忽毒鏑歛以星貫潛幾劃其電發或洞肖而達液或折足而碎
骨望林巒而非遠顧町疇今未滅風啤澤而北至日掩山而西
沒走駭侶於岩煙叫饑麇於澗月苟行路之聞者孰不心摧而
思絕想爾由矣野心而仁望純束而驚顧隨獲車兮逡巡視鼎

中之銷爛觀祝上之剖分忽哀鳴而感類若沉痛之在身雖復處之密邇享以豐珍比檻猿之駿躍同海鳥之愁辛敢擇蔭而知止思走險以何因痛無知以相陷含怨毒而莫伸客有感而言曰物誠有諸人亦宜乎據事或比原心則殊借如淮殊構禍寃在神理通說且拒狝謀寧起堂堂蕭公實曰知己給致鍾室胡寧忍此祿產之難誰非漢臣交則不義賣亦不仁彼美麕生既爲交親誘襲軍印豈無他人於戲微獸傷類如不自容伊人賣友而享其功滅交道今隊義風曾麋鹿之不若何仁信之可宗已焉哉諒此世之茫茫吾未見其始終

古詩

馴鹿

歐陽永叔

朝渴飲清池暮飽眠深柵慙愧主人恩自非殺身難報德主人施恩不待報哀爾胡爲羅網獲南山藹藹動春陽吾欲縱爾山之傍岩崖雪盡飛泉溜澗谷風吹百草香飲泉醫草當遠去山後山前射生戶

古詩

係麋

題元吉畫麋

陳去非

紛紛騎馬塵及腹名利之窟爭馳逐眼明見此山中吏恠底吾廬有林谷雄雌相對目炯炯意閑不受榮與辱啜皮昏真豈自知坐令猫犬羞奴僕我不是李衛公欺爾無魂規爾肉又不是曹將軍歎助射爾不遺馘明窓無塵兼有香與爾共此春日長戲弄竹枝聊卒歲不羨晉宮車下羊

律詩
謝榮緒割麀見貽
黃曾直

律詩

謝榮緒割麀見貽

黃曾直

何處驚麀觸禍機
煩君遣騎割輕肥
秋來多病新開肉
糲飯寒 猶得解圍

新編古今事文類聚後集卷之三十七
建安 祝穆 和父 編
金陵 唐富春 子和 刊

新編古今事文類聚後集卷之三十七

建安 祝穆 和父 編

金陵 唐富春 子和 刊

毛蟲部

猿

羣書要語猿似猴大黑色長前臂繁露猿屬或黃或黑說文
猿壽五百歲則為獲抱朴子無教猱升木詩今取猿狙而衣周
公之服彼必齧齧挽裂盡去而後慊莊子夫騰猿其得柵梓豫
章攬蔓其拔而王長其間雖昇逢蒙不能眇睨及其得柘棘枳
枸之間危行側視振動悼慄此處勢不便未足以逞其能也山

事文類聚後集 卷之三十七 德壽二年

木置猿檻中非不巧健無所肆其能淮南子窮猿投林豈暇擇

木晉書山人去兮曉猿驚北山移文猿鳥為伍共武軫書猿父

哀吟揮子長嘯欲駭裸然騰蹕飛起吳都賦

詩句寒猿擁條吟文選山猿飲相喚杜高蘿垂猿飲杜猿飲倒

垂藤許渾猿狄晚成羣李白掛藤疑取飲吟枝似避弓蕭詮佳

人劍翁孫游戲暫人間忽憶嘯雲侶賦詩留玉環坡牽引條上

兒飲弄山中月李白殊方落日玄猿哭杜巴東三峽猿鳴悲猿

鳴三聲淚霑裳峽中歌

古人事實

君子為猿

周穆王南征一軍盡化君子為猿為鵠小人為蟲為沙抱朴子

善射則號

楚王有白猿王自射之則搏矢而嬉使養由基射始調弓矯矢

而猴擁樹號矣淮南子

化為白猿

越王問范蠡手劍之術蠡曰臣聞趙有處女國人稱之願王請

問之於是王乃請女女將北見王道逢老人自稱袁公袁公問

女曰聞女善為劍願得一觀之處女曰妾不敢有隱也惟公所

試公即挽林杪之竹似椽末折墮地女接取其末袁公操其本

而刺處女女因舉杖擊之公即飛上樹化為白猿吳越春秋

猿臂善射

李廣猿臂善射

事文類聚後集

卷之三十七

二

德壽堂辛

為母拔箭

蜀鄧艾為車騎將軍征涪陵見玄猿抱子在樹上引弩射之中
猿母其子為拔箭卷樹葉塞之艾歎曰吾違物性其將死矣乃
投水中

猿為執爨

魏元忠素強正其微時家貧止一婢厨中方爨出外汲水還乃
見老猿為其守火婢驚曰元忠元忠曰猿恐我乏使為我執爨
不亦善乎後亦無他廣異

黑衣郎

張長史負函屋以居覩黑衣人樹上擲瓦見擊其弟射殺之乃
是猿也宣室志

古今文集

雜著

玄猿賦

吳筠

前者稱周穆王南征君子變為猿鵠小人變為蟲沙夫神用無
方未必不爾筠自入廬嶽則睹斯玄猿嘉其兩昏則無聲景露
則長嘯下踐土石超遙於萬木之間春咀其英秋食其實不犯
稼墻深棲遠處獨有君子之往異乎狙猿之倫且多難以來庶
品凋敗麋鹿殫於網罟遺疇困於誅求此獨蕭然物莫能患豈
不以託迹愛絕不才遠禍昔夫子雖嘆山梁雌雉曰時哉時哉
予因感之聊以作賦云耳

伊玄猿之所有于南國之曾岑動不踐地居常在林雖泛泛而

無據亦熙熙而有心零嵐昏而共默風雨霽而爭吟使幽人之
思清暢霧客之涕霑襟何必聆嶰谷之管對雍門之琴哉歷于
尋之喬木俯萬仞之危嶠弄遊雲之亂飛嬉落日之橫照連肱
澗飲命侶煙嘯或聚而閑按或分而迥趨壽同靈鶴性本君子
阻重巖之險非虎豹所履蔭交柯之密豈鵬鷲能視故逢蒙操
弓俛高深而止鄧公折箭含惻隱而已何患累之罕臻不干物
以刑已詎若狒狒凌人以就戮猩猩甘酒而送死夫時珍貂裘
世寶玃白徒能工於隱伏終見陷於機辟麝懷香以賈害狙伐
巧而招射小則翡翠殞於毛羽大則犀象殘於齒革孰能去有
用之損取無用之益固棄置於常情永逍遙以自適無威刑以
相臨有族類而相親食資諸物衣取諸身不賦不役靡勞靡勤
如政教之未施保巢居以還淳匪虞氏之所及何狙公之能馴
吾知人爲物之貴又馬測元化之所謂大鈞乎

白猿賦 并序

李德裕

此郡多白猿其性馴而仁愛所止榛木不瘁果熟乃取不與攫
相狎猴亦畏而避之昔傳奕有猿猴賦但說其變態似優以爲
戲玩且不言二物殊性予今作賦以辨之耳

昔周穆之南邁將奮旅於湘沅旣隻輪而無迂化君子以爲猿
嗟物變而何常故族類而始蕃或哀吟於永夜或清嘯於朝暾
峯合沓以連響水潺湲而共喧矧三聲之未絕感行客之銷魂
觀其雖爲異物而猶喜處動不爲暴止皆擇所棲松鬱而不殘
楂梨熟而後取顧杭麗與猿狉信莫得而儔侶若乃靈變難測

神通有知淮南子稱女試劍而方接舉脩適而止馳養矯矢而
 未發眄喬柯而已悲凌峻壑而電曜掛長蘿而匏垂避側足而
 不復尚有畏於阡危施於射則李控弦而盈貫用於道則華養
 形而不衰華佗有彼沐猴之佻巧雖貌同而心異既貪婪而鮮
 讓亦躁動而不忘嗟斯物之既馴有仁愛而可畏故鄧生以違
 性與感齊后以望思掩淚嗟乎人之化也實可悲辛或少貴而
 老賤或始富而終貧中行之後困於缺畝叔敖之子疲於負薪
 何止蘇化熊而為瀟哀成虎而不仁變欽鴉於瑤席鳴杜魄於
 巴氓乃知人世之可厭不足控搏而自珍

律詩

猿

杜甫

裊裊啼虛壁蕭蕭掛冷枝艱難人不免隱見爾如知慣習元從
 衆全生或用竒前林騰每及父子莫相離

放猿

吉師老

放爾千山萬里身野泉晴樹好為鄰啼時莫近瀟湘岸明月孤
 舟有旅人

和常秀才寄簡歸州鄭使君借猿 許渾

謝守攜猿東路長裏滕牙竹似瀟湘碧山初暝嘯秋月紅樹正
 寒啼曉霜陌上楚人皆駐馬里中巴客半歸鄉心知欲借南遊
 侶未到三聲恐斷腸

詩話

孫恪娶猿

孫恪遊洛中觀大第叩扉無應者有女子摘萱草吟曰彼見是
忘憂我看同萱草青山與白雲方展我懷抱青衣曰故表長官
女見求適人恪納為室後十餘年育二子治家甚嚴恪往南海
為經畧判官至端州峽山寺表氏欲至寺訪舊老門徒既至若
孰其道徑持碧玉環獻僧曰此是院中舊物齋罷有猿數十聯
臂下高松表氏惻然題壁曰無端變化幾湮沉剛被恩情彼此
心不如逐伴歸山去長笑一聲煙霧深詩畢遂裂衣化為老猿
躍樹而去恪驚怛詢僧僧方悟為沙彌時所養一猿開元中力
士過此憐其慧黠強以束帛易之獻上陽宮安史之亂不知所
之碧玉環則胡人所施繫於猿之頸者

見續世說及傳奇

猴

羣書要語 猿獼猴也楚人謂之沐猴老者為獼獼駿捷其鳴噉
噉而悲 詩疏 獼大母猴也色蒼黑狙獼屬 爾雅 一名狙一名王
孫一名胡孫 廣雅 猿狙衣周公之服 詳見猿門 狙詐咸作使 楊
子 戴以赤幘襪以朱巾墜其面丹其唇楊眉感額若愁若嗔 傳
玄賦

癡人強觀棘端猴 坡

古今事實

狙伐巧

吳王浮于江登于狙之山衆狙見之恂然棄而走有一狙焉委

蛇攫搔見巧乎王王射之敏給搏矢王命相者趨射之狙死王顧謂其友顏不疑曰狙之伐巧持其便以傲予以至此極也

賦狙公芋

宋有狙公愛養狙而家匱將限其食曰與若芋朝三而暮四衆狙皆怒曰然則朝四而暮三衆狙皆悅

列子

沐猴而冠

項羽楚人沐猴而冠

猴貌類人

安西衙將劉文樹善奏對髭生領下貌類猿猴上令黃幡綽嘲之文樹切惡猿猴之說密詣幡綽祈不言之幡綽進嘲曰可憐好文樹髭鬚其頰頤別任回孔不似猢猻猢猻在似文樹上大

笑 鄭榮傳信記

獼猴乘土牛 見戲謔門

禁猴食黍

有人種黍山中患獼猴食之聞介象有道術從之乞辟猴之法象曰無他法也明日往黍所望見羣猴便大喚語之曰已白介君教莫食黍此人明日視 黍遇羣猴適欲下樹承象語獼猴各自還山遂絕跡 神仙傳

狙母報鳶

有人畜一子母胡孫一日鳶飛下搏其子對母啄其腦食其髓胡孫哀鳴三日不食徑於廚中取肉一片戴頂上往中庭似有所伺遂巡鳶果來搏肉胡孫兩手攬擘其翅齧腦食髓衆甚為

快意 景逸閑言

人愧猴

唐昭宗播遷隨駕伎藝人止有弄猴者猴頗馴能隨班起居昭宗賜以緋袍號孫供奉羅隱下第詩云何如學取孫供奉一笑君王便着緋朱梁篡位取此猴令殿下起居猴望殿陛見全忠徑趨其所跳躍奮擊遂令殺之唐臣愧此猴多矣

幕府燕聞錄

古今文集

雜著

王孫賦

後漢王延壽

原天地之造化實伸偉而崛竒道玄微以密妙信無物而弗為有王孫之狡獸形陋觀而醜儀頽狀類乎老公軀體似乎小兒

眼睚崖睚五流以眈眈視職睫以映呼悅瞳呼迷突高目而曲

頰音頰呼歷而隳離鼻鞋許解駒許候以馘吸馘許夾耳

聿役以謫知口兼咩呼咩呼以齧側咸齧呼唇啖制狹啖而攝

而蔽足卑規妍齒崖崖以齧嚙嚙呼噪而嘖嘖儲糧食於

兩頰稍委輸於胃脾踉蹌而狗踞聲歷嚙而喔咿或噉噉而

嚇嚇又啗的嗅火歷其若啼姿僭呼僭呼而摠贛嗔豁肝閫以

瑣醞胎台腕子腕公而曉覓賜錫眈阮眈而交恆而踈警生深

山之茂林處嶄岩之嵌崎性獐猜而猶疾態峯出而橫施緣百

仞之高木攀窈窕之長枝背牢落之峻壑臨不測之幽谿尋柯

條以宛轉或捉腐而登危或羣跳而電透或成懸而瓠垂上觸

手而拳攬下對足而登跂至攀攬以狂接覆縮臂而勇赴時遼

落以蕭索乍睥睨以容與或蹂躪以踐遊工咨諷而措聚扶欵
崙以啣緣躡危臬而騰舞忽涌逸而輕迅羗難得而覩縷伺甘
苦於人類好餽糟而啜醢乃設酒於其側竟爭飲而踣火緣切馳
顛陋酌以迷醉驟眠睡而無知暫拏髮以繕縛遂纓綬以羈縻
歸鎖繫於庭廡觀者吸呷而忘疲也

憎王孫文

柳宗元

旅王孫居異山德異性不能相容猿之德靜以怛類仁讓孝慈
居相愛食相先行有列飲有序不幸乖離則其鳴哀有難則內
其柔弱者不踐稼蔬木實未熟相與視之謹既熟嘯呼羣萃然
後食衍衍焉山之小草木必環而行遂其植故猿之居山嘗鬱
然王孫之德躁以貴勃諍號呷啾啾疆疆雖羣不相善也食相

噬齧行無列飲無序乖離而不思有難推其柔弱者以免好踐
稼蔬所過狼藉披攘木實未熟輒齧投注竊取人食皆知自
實其嗛山之小草木必凌挫折挽使之瘁然後已故王孫之居
山山恒高然以是猿羣衆則逐王孫王孫群衆亦辭猿猿棄去
終不與抗然則物之甚可憎莫王孫若也余棄山間久見其趣
如是作憎王孫云

義鷹記

內說猴見鷹門

律詩

韓駒謝人寄小胡孫

黃魯直

真宜少陵覓未解柳州憎婢喜常儲菓奴顛屢掣繩

從人覓小胡孫許寄

杜甫

人說南州路山猿樹樹懸舉家聞若款為寄小如拳預晒愁胡
向初調見馬鞭許求聰慧者童稚捧應顛

獼猴

程伯淳

山僧云晏元獻公來獼猴蒲山

聞說獼猴性頗靈相車來便蒲山迎鞭羸到此何嘗見始覺毛
蟲更世情

狐

狸附

羣書要語狐之類貉獬狸也詩疏伏狐獸也鬼所乘也說文青

丘之國有九尾狐山海經君子曰樂樂其所自生禮不忘其本

古之人有言曰狐死正首丘仁也檀弓田獲三狐得黃矢貞利

解小狐汔濟濡其尾未濟南山崔崔雄狐綏綏南山有狐綏綏

在彼淇梁有狐莫赤匪狐北風千歲之狐為淫婦百歲之狐為

美女郭氏玄中記狐性多疑水經注

狸伏獸也爾雅一種面白而尾似牛故名玉面又名牛尾專食

百果廣雅乘赤豹而從文狸山鬼

詩句鬼火狐鳴春竹叢黃

古今事考

狐假虎威

楚宣王問羣臣曰吾聞北方之民畏昭奚恤亦誠何如江一對
曰虎求百獸而食之得狐狐曰子無噉我天帝令我長百獸子
若食我是逆天帝之命子以我為不信我為子先行隨我後觀

百獸見其能無走乎虎以為然隨狐而行百獸見皆走虎不知獸之畏已反以為畏狐也今主地方五千里帶甲百萬而任之於昭奚恤然北方非畏奚恤實畏王之甲兵

出春秋後語

叢祠狐鳴

陳勝間令吳廣於所次旁叢祠中

叢謂草木岑蔚

夜篝火狐鳴呼曰大

楚與陳勝王卒皆夜恐

妖狐聽講

燕昭王墓有老狐化男子詣張華講說華恠之謂雷孔章曰今有男子少美高論孔章曰當是老精聞燕昭王墓有華表柱向千年可取照之當見如言化為狐

搜神記

老狐取女

吳郡顧旃至一岡忽聞人語聲云咄咄今年我乃與眾尋覓岡頂有一穿是古時家見一老狐蹲家中前有一卷簿書老狐對書屈指有所計校犬咋殺之取視簿書悉是姦人女名已經姦者宋鈞頭所疏各有百數旃女在簿次

搜神記

狐手持火

管輅傳有一小物如獸手持火以口吹之書生舉刀斫斷腰視之狐也自此無火災

狐稱校尉

張鋌夜行逢巴西侯置酒邀玄丘校尉至一人衣黑衣天將曉鋌悸寤乃一狐卧于牀

淫婦化狐

狐者古先之淫婦其名紫紫化而為狐故其姓自稱阿紫

名山記

妖狐化人

野狐名紫夜擊尾出火將為性必戴髑髏拜北斗髑髏不墜則化為人矣

酉陽雜俎

聽水渡河

北風勁河水始合要須狐行云此物善聽水下無水聲然後過河

北征錄

官舍狸怪

樂廣為河南尹先是河南官舍多妖怪前尹皆不敢處正寢廣居之不疑嘗外戶自閉左右皆驚廣獨回顧見有墻孔掘墻得狐而殺之其怪亦絕矣

本傳

古今文集

雜著

鴉執狐記

李華

某嘗目異鳥擊豐狐於中野雙睛耀宿六翮垂雲迅猶電馳厲若霜殺吻决肝腦爪剝腎腸昂藏自雄倏歛而逝問名於耕者對曰此黃金鴉也其何快哉因讓之曰仁人秉心哀矜不暇何樂之有曰是狐也為患大矣震驚我姻族撓亂我閭里喜逃徐子之廬不畏申生之矢皇祇或者其惡貫盈而以鴉誅之予非斯禽之快也而誰為悲夫位高疾債厚味脂毒遵道致盛或懼諸殃况假威為孽能不速禍在位者當洒濯其心祇除凶意惡是務去福其大來不然有甚於狐之害人庸怪於鴉之能爾

稷狐

城狐不灌社鼠不燠謂其所棲穴者得所憑依此古語也故議
論者率指人君左右近習為城狐社鼠予讀說苑所載孟嘗君
之客曰狐者人之所攻也鼠者人之所燠也臣未見稷狐見攻
社鼠見燠何則所託者然也稷狐二字甚奇且新 容齋隨筆

古詩

獵狐篇

蘇子美

老狐宅城隅涵養體豐大不知窟穴處草木但掩霑秋食承露
禾夏飲灌園派暮夜出傍舍雞畜遭橫害晚登埤塢呼吸召
百怪或為嬰兒啼或變艷婦態不知幾千年出處頗安泰古語
比社鼠蓋亦有恃賴邑中少年兒耽獵若沉瘵遠郊盡雉逸近

水殘鱗介養大號青鵠逐獸馳不再勇聞此老狐取必將自快
縱大索幽邃張人作疆界茲時頗窘急迸出赤電駭羣小助嘯
擊奔馳數顛沛所向不能入有類狼失狽鉤牙咋巨頰髓血相
潰沫喘叫遂死矣爭觀若期會何暇正首丘腥臊滿蒿艾數穴
相穿通城堞幾墮壞久矣縱凶妖一旦果禍敗皮為塌上籍肉
作盤中膾觀此為之吟書以為驚戒

古塚狐

白居易

古塚狐妖且老化為婦人顏色好頭變雲鬟面變粧大尾曳作
長紅裳徐徐行傍荒村路日欲暮時人靜處或歌或舞或悲啼
翠眉不舉花顏低忽然一笑千萬態見者十人八九迷假色迷
人猶若是真色迷人應過此彼真此假俱迷人人心惡假貴重

真狐假女妖害猶淺一朝一夕迷人眼女爲狐媚害郎深日長
月長溺人心何況褒姒色蠱惑能喪人家覆人國君看爲害淺
深間豈將假色同真色

雜著

以下係狸

蓄狸說

楊夔

敬亭叟之家毒於鼠暴穿楠穴墉室無全宇咋齧筐篚帑無完
物乃賂於捕野者俾求狸之子必銳於家畜數日而獲諸沐飾
齒以接給鱗以姑撫育之厚如字諸子其攫生搏飛舉無不捷
鼠攝而殄影暴腥露臚縱橫莫犯矣然其野心常思逸于外罔
以子育爲懷一旦怠其繼踰垣越宇修不知其所逝叟惋且惜
涉旬不弭弘農子聞之曰野性匪馴育而靡恩非獨狸然人亦
有旃梁武於侯景寵非不深矣劉琨於疋殫情非不至矣旣負
其城復返厥噬嗚呼非所蓄而蓄孰有不叛哉

養狸述

舒元興

野禽獸可馴養而有裨於人者吾得之於狸狸之性憎鼠余愛
其能息鼠竊近乎正且勇嘗觀虞人有生致者因得請歸致新
豐里客舍舍之初未爲某居時曾爲富家廩墉堵地面甚足鼠
竅穴之口光滑日有鼠絡繹然其旣居果遭其暴耗常白日爲
羣雖敲拍叱嚇畧不畏忌或斃餽俛跽縮須臾復來日數十度
其穿巾孔箱之患繼晷而有晝或出遊及歸其什噐服物悉已
破碎若夜時長留缸續晨與役夫更吻驅訶甚擾神抱有時或
缸死睫交黑暗中又遭其緣塌過面汨汨上下則不可奈何或

知之借櫝以收拾衣服未頃刻櫝又孔矣予心深悶當時意欲掘地誅剪始二三十日間未果頗患之若抱癢疾自獲此狸常闔闔實實縱於室中潛伺之見軒首引鼻似得鼠氣則凝蹲不動斯須果有鼠數十輩接尾而出狸忽躍起豎瞳迸金文毛磔斑張爪呀牙劃泄怒聲鼠黨帖伏不敢窺狸遂搏擊或目抉牙截尾捎首擺瞬視間羣鼠肝腦塗地迨夜始背缸潛窺室內洒然予以是益寶狸矣常自馴飼之到今僅半年狸不復殺鼠鼠不復出穴穴有土蟲絲封閉欲合嚮之韞擯服物皆縱橫拋擲無所損壞噫微狸鼠不獨耗吾物亦將咬啣吾身矣是以知吾得高枕坦卧絕瘡痍之憂皆斯狸之功異乎鼠本統乎陰蟲其用合晝伏夕動常怯怕人者也嚮之暴赦非有大膽壯力能凌

侮於人以其人無禦之之術故得恣橫若此今人之家苟無狸之用則紅墻皓壁固為鼠室宅矣甘濃鮮肥又資鼠口腹矣雖乏人智其奈之何嗚呼覆燾之間首圓足方竊盜聖人之教甚於鼠者有之矣若時不容端人則白日之下得騁於陰私故桀朝鼠多而關龍逢斬紂朝鼠多而王子比于剖魯國鼠多而仲尼去楚國鼠多而屈原沉以此推之小人道長而不知用君子以止之猶嚮之鼠竊而不知用狸而止遏縱其暴橫則五行七曜亦必反常於天矣豈直流患於人間耶某因養狸而得其道故備錄始末貯諸篋內異日持論於在位之君子

古詩

牛尾狸

蘇子由

首如狸尾如牛攀條捷嶮如猿猴橘柚爲漿栗爲餽筋肉不足
惟膏油深居簡出善自謀尋蹤發窟并執囚蓄租分散身爲羞
松薪瓦甌丞浮浮壓入糟盞肥欲流熊脂羊酪真比儔引筋將
舉訊何尤無功竊食人所仇

牛尾狸

楊廷秀

狐公韻勝冰玉肌字則未聞各季狸誤隨齊相燧牛尾策勲封
作糟丘子子孫世世襲膏梁黃雀子魚鴻鴈行先生試與季狸
語有味其言須聽取

偶野人有爲予生得牛尾狸者獻諸丞相益公侑以
長句

楊廷秀

風林露圃天欲霜柿紅栗紫橘弄黃老夫思饒不忍嘗丁寧邊
人莫取將朝來栗姬羽化去逋其木奴三百戶烏標士子散如
煙檢校不知渠去處山僮相傳皂衣郎字曰季狸氏奇章上樹
千回一霎強連夜剽略積廼倉并吞又向黎侯國羅人救黎遂
禽獲白茅而縛來獻俘玄端貂裘瓠肥白解驂薦渠登相門立
談封作糟丘君旁招披綿拉通印日侍尊俎嬉平園王肌生憎
麤手削須防東坡訟寃着

律詩

玉面狸

朱喬年

壓槽玉面天涯見琢雪庖霜照眼明投筋羞頰如甲厚南山白
額正橫行

猩猩

萬萬附

羣書要語有獸如豕而人面曰猩猩能知人名似小兒啼爾雅

往往能言不離禽獸孔記 往往能言亦二足無尾而君子吸其

羹食其馘故人非以二足無尾以知禮也非相終歸知來往往

知往淮南子 肉之美者往往之唇呂氏春秋

詩 村稚啼禽猩韓

山海經 人面黑身有毛反踵見人則笑笑則上脣掩目俗呼為山

部 山海經

古今事

餉封溪令

後漢哀牢夷出猩猩形若狗而人面頭顙端正善與人言聲啼

妙麗如婦人對語昔有人以猩猩餉封溪令問餉何物猩猩自

於籠中曰但有酒及僕且無他飲食

古今文集

雜著

猩猩銘 并序

裴 炎

酈元長水經注云武平封溪縣有獸曰猩猩猿形人面顏容端

正學人語若與交聞者無不欲飲其肉食之窮年無厭可以辟

穀淮南子曰猩猩知往而不知來謂知人家往事及祖父各位

阮汧云使封谿見邑人云猩猩在山谷間常有數百為羣里人

以酒并糟設於路側又愛著屐里人織草為屐更相連結猩猩

見酒及屐知里人設張則知張者祖先姓字及呼名云奴欲張我捨爾而去復自再三相謂曰試共嘗酒及飲其味速乎醉因取屐而着之乃為人之所擒皆獲輒無遺者遂置檻中隨其所欲而飲之將烹里人索其肥者乃自推肥泣而遣之左太冲吳都賦曰猩猩啼而就烹里人以餉封溪令令曰何物曰猩猩惟與酒兼之以屐可以就擒耳西國胡人取其血染毛蜀色鮮不黧或曰若刺其血問之爾與我幾許猩猩曰二升果足其數若加之鞭捶而問之隨所加而得至於一斗弗如此未肯頓輪張焉孝廉好古之士於笥中出此圖相示賓客覽之曰悲哉此獸何其愚也有僧去塵在座謂諸賓客曰彼獸也夫何足云竊見人而似之曾無悟矣四座引而問之曰夫財色名利潮人也曷

若猩猩好酒乎爵賞祿位羈人也曷若猩猩愛屐乎饕餮致禍餽辭覲免者曷若猩猩推肥乎蘊利生孽死而無悔者曷若猩猩含血乎子奚獨悲此諸賓矍然改容而嘆曰大哉高人之言也豈務世利汨沒各位者之所聞乎敬蒙斯言以為座右銘其銘曰

爾形惟猿

爾面惟人

言不忝面

智不踰身

淮陰佐漢

李斯相秦

曷若箕山

以全吾身

律詩

和錢穆父詠猩猩毛筆

黃魯直

愛酒醉魂在能言機事疎平生幾兩屐身後五車書物色看王會
 歎勞足石渠拔毛能濟世端為謝楊朱

事類彙編

卷之三十七

十七

侯爵堂

戲詠猩猩毛筆二首前奉穆父後奉子瞻

黃魯直

枕椰葉暗賓郎紅朋友相呼墮酒中政以多知巧言語故應來
作管城公

又

明窻脫帽見蒙茸醉著青鞋在眼中束縛歸來儻無辱逢時猶
作黑頭公

雜著 係萬萬

山海經萬萬贊

萬萬怪獸被髮操竹獲人則笑脣蓋其目終亦號咷及為我戮

豺

狼 獺並附

羣書要語豺形似犬 說文 季秋之月豺祭獸戮禽 月令 羊質而

虎皮見草則悅見豺則戰 楊子

狼似犬銳頭而白頰 說文 狼跋其胡載疋其

尾 幽風 子之昌兮遭我乎狃之陽今並驅從兩狼兮 還詩 獸人

冬獻狼 天官 狼膍膏 禮記 狼子野心 左傳 狼前足絕短每行常

駕兩狼失狼則不能動故世言事乖稱狼狽 六帖 狼糞煙烽火

用之煙直也 同上 貪如狼 宋義云

人跡尚蕭條豺狼夜相舐 坡 乾坤尚虎狼

如小狗水居食魚偏屬 說文 孟春之月獺祭魚然後虞人入

澤采 月令

詩句沙喧獺祭魚 杜

古今事實

狼子野心

伯石始生姑視之及堂聞其聲而還曰是豺狼之聲也狼子野心非是莫喪羊舌氏矣遂弗視

豺狼當道

漢遣八使循行風俗張綱獨埋其車輪於洛陽都亭曰豺狼當道安問狐狸遂奏梁冀等京師震恐

以羊將狼 以下係狼

漢高祖使太子將兵四皓曰今使太子將兵無異羊將狼也

狼乳烏孫

烏孫王昆莫初生棄於野狼往乳之 大宛傳

狼生突厥

突厥之先匈奴之別種也為隣國所破其族有一小兒棄草澤中有乳狼以肉飼之及長與狼交合遂有孕生十男 後周四夷書

獺着荷衣 係獺

東平呂球豐財美貌乘船至曲阿湖值風不得行泊菰際見一少女乘船采菱舉體皆衣荷葉因問女汝非鬼耶衣服何至如此女有懼色荅云子不聞荷衣兮蕙蒂修而來兮忽而逝乎迺廻舟理棹而去球進射之即獲一獺船皆是蘋蘩蘊藻之葉見老母立岸側如有所候望見船過因問云君向來不見湖中採

菱女子耶球云近在後尋復射獲老獺居湖頃者咸云湖中常有採菱女子容色過人有時至人家結好者甚衆幽真錄

古今文集

律詩

捕狼

陳無已

一狼將四子二嶺走千羊意得無前敵時垂闕後防寧知射生手已發弩機張會使鳥鳶飽空令豺虎傷

古詩係獺

有獺吟

劉禹錫

有獺得嘉魚自謂天見憐先祭不敢食捧鱗望清玄人立寒沙上心專脰肩肩漁翁以為妖舉塊投其咽呼兒買魚歸與獺同

烹煎開開黃金鴉大翅搖江煙下見盈尋魚拔身擘洪漣攫擊隱嶙去哺雛林壑顛鴟鳥欲同隙遙噪莫敢前長居青雲路彈射無由緣何地無江湖何水無鮪鱸天意不宰割非祭徒拳拳空餘知禮重載在淹中篇

兔

羣書要語子姓數萬切 兔大者曰兔廣志 兔望月而孕博物志

志 兔舐雄毫而孕及生子從口中出論衡 兔口有缺虎有九孔

雀豹古今注 山中卯日稱丈人兔也抱朴子 祭宗廟之禮兔曰

明眊禮記 趨趨兔免遇犬獲之巧言 有兔爰爰國風 有兔斯首

炮之燔之韋葉 肅肅兔置施于中林周南 得兔忘蹄晏係 兔走

事文類聚後集 卷之三十一 三十一 兔

深山千人競逐以其未定漢書狡兔有三穴史記馮瑗孕婦不

食兔肉令兒口缺博物志兔者明月之精典畧

詩句搗藥兔長生杜今如且中兔坡

古今事實

守株待兔

宋人有耕者田中有株兔走觸折頸而死因釋耕守株冀復得兔為宋國所笑韓子

田父獲兔

淳于髡說齊威王曰韓盧者天下之俊犬也東郭俊者海內之狡兔也韓盧逐東郭俊騰山者五環山者三兔極於前犬疲於後犬兔俱疲各死其處田父見而獲之無勞苦而擅其功今齊

魏相持頓兵弊眾恐強秦大楚乘其後而有田父之功也春秋

牽犬逐兔見狗門

託兔踐瓜見瓜門

古今文集

雜著

毛穎傳見筆門

古詩

白兔

歐陽永叔

天宜冥雲濛濛白兔擣藥嫦娥宮玉關金鎖夜不閉竄入滌山千萬重滌泉清甘瀉大壑滌草軟翠搖輕風渴飲泉困棲草滌

人遇之豐山道網羅百計偶得之千里持爲翰林寶翰林酬酢
委白璧珠箔花籠玉爲食朝隨孔雀伴暮綴鸞鳳翼主人邀客
醉籠下京洛風埃不霑席羣詩名貌極豪縱爾兔有意果誰識
天資潔白已爲累物性拘囚盡無益上林榮落幾時休回首峯
巒斷消息

永叔白兔

梅聖俞

可笑嫦娥不了事却走玉兔來人間分寸不落獵人口滁州野
叟獲以還霜毛半茸目睛殷紅條金練相繫擗馳獻舊守作異
玩况乃已在蓬萊山月中辛勤莫擣藥桂傍杵臼今應閑我欲
拔毛爲白筆研朱寫詩破公頽

永叔云諸君所作皆以常娥月宮爲說頗願吾兄以

它意別作一篇庶高出羣類然非老筆不可

梅聖俞

毛氏穎出中山中衣白兔褐求文公文公嘗爲穎作傳使穎名
字傳無窮徧走五嶽都不逢乃至琅琊聞醉翁傳是昌黎之後
身文章節行一以同滁人喜其就籠繼遂與提携來自東見公
於鉅鰲之峯正草命辭如虹筆秃願脫穎以從赤身謝德歸
蒿蓬

信都公家白兔

王介甫

水晶爲宮玉爲田嫦娥縞衣洗朱鉛宮中老兔非日浴天使潔
白宜嬋娟揚鬢弭足桂樹間桂花如霜亂後前赤鴉相望窺不
得空疑兩瞳射日月東西跳梁自長久天畢橫施亦何有憑光

下視直岡繁衣褐紛紛謾回首去年驚墮滁山雲出入虛莽猶
無羣竒毛難藏果見獲千里今以窮歸君空衢險幽不可逐食
君庭除嗟亦窘今子得爲此免謀豐草長林且遊衍

答裴仲謨放兔行

秦少游

兔飢食山林兔渴飲川澤與人不取疵焉用苦求索夫寒草枯
死見窘何太迫上有蒼鷹禍下有黃大厄一死無足悲所耻敗
頭額敢期揮金遇倒橐無難色雖垂獵者意頗塞仁人責兔兮
兔兮聽我言月中仙子寂汝憐不如亟反月中宿休顧商巖并
猶藿

謝陳希顏惠兔把

楊廷秀

東郭阿媿駝褐裳清馥不着煙火香姮娥喚入廣寒殿詔許搗
藥不許嘗金丹煉成紫皇喜玉臼自携銀漢洗偷將缺吻吸嚼
漿蛻盡骨毛作仙子鬢絲吹落桂枝風人間封作管城公先生
何許得尸解貌如枯蟾帶玄芥麒麟擘脯未必如耶律曬羝差
不逮先生錦心冰雪腸銀鈎珠唾千萬章管城奔命困書圃阿
媿溲身嬉醉鄉老夫去年左車脫匙抄爛飯猶曼曼太息再拜
謝阿媿尚堪掛壁縈蛛塵一飯瞻仰齒生津

律詩

題畫兔

陳去非

碎身鷹犬慙何忍埋骨詩書事亦微霜露深林可終歲雌雄暖
日莫忘機

新編古今事文類聚後集卷之三十七終

新編古今事文類聚後集卷之三十八

建安	祝穆	和父	編
金陵	唐富春	子和	刊

毛蟲部

馬

羣書要語 凡馬八尺以上為龍七尺以上為駮六尺為馬天子
 十二閑六種邦國六閑四種家四閑二種春祭馬祖天駒也夏祭
 先牧始養馬者狄祭馬社始乘馬者世本曰相士作雲馬冬祭馬少馬灾害首見周官馬一
 歲為馬二歲為駒八歲為馱河承天纂乘黃亦名飛黃似狐有
 五肉角周書王會驊騮騏驎織離騷騏古之良馬也荀子秦皇

有名馬七追風白兔躡景追電飛翮銅爵晨鳧古今注龍媒驥

裊並駿馬名駑駘欵段並羸馬名六帖惟不棄為埋馬也禮

記驢不稱其力稱其德也語雖鞭之長不及馬腹宣十五馬逸

不能止成二牛驥同皂漢書馬如游龍後皇右傳馬或奔馳而

致千里士或有負俗之累而致功名夫泛駕之馬亦在御之而

已漢武詔泛駕言有逸氣不循軌六帖老驥伏櫪志在千里選

樂府何乃局促如轅下駒漢書風驟霧鬣斷山驟壑柳晉問

詩句朱蹄驕嚙膝杜腕促蹄高如踏鐵杜頭上銳耳如批竹脚

下高蹄削寒玉杜

古今事實

乘馬

黃帝堯舜服牛乘馬引重致遠以利天下○莊子云絡馬首穿牛鼻是也

歸馬華山

武王歸馬華山之陽

八駿

穆王巡行天下馭八龍之駿一名絕地足不踐土二名翻羽行越飛禽三名奔宵夜行萬里四名超影逐日而行五名踰輝毛色炳耀六名超光一形十影七名騰霧乘雲而行八名桂翼身有肉角拾遺記

白駒維繫

白駒刺宣王也皎皎白駒食我場苗繫之維之以永今朝

垆野牧馬

駒頌僖公也務農重穀牧于垆野

駮牝三千

衛文公秉心塞淵駮牝三千

老馬識道

齊桓公伐孤竹春往冬還迷惑失道管仲曰老馬之智可用乃放老馬而隨之遂得道 韓子

盜馬報恩

秦穆公東敗失左驂自往求馬見岐下野人殺馬將食之穆公笑曰食駿馬肉而不飲酒恐其傷性也遍飲之而後去後聞秦擊晉皆從推鋒死以報德

馬死殺人

齊景公使人養所愛馬馬病死公怒令人殺養馬者晏子請赦之曰爾有三罪使汝養馬殺之一當死也又殺公所最善馬二當死也使公以一馬之故而殺人百姓必怨諸侯輕伐吾國三當死也公喟然赦之○孔子曰齊景公有馬千駟死之日民無德而稱焉

諷王愛馬

楚莊王有愛馬衣以文繡置華屋下席以露牀啗以棗脯馬死欲以大夫禮葬之樂人優孟入殿門大哭曰請以君禮葬之以雕王為鞍文梓為槨豫章為題湊發甲卒為壙老弱負土諸侯聞之皆知大王賤人而貴馬也王曰為之奈何曰請為王言六

畜之塗籠竈爲之槨銅瀝爲之棺齊以薑桂薦以木闌衣以火光葬人腹中王乃以馬屬太官無令天下知聞也史

九方臯相馬

秦穆公謂伯樂曰子之年長矣子姓有可使求馬伯樂對曰良馬可以形容筋骨相也天下之馬若滅若沒若亡若失臣之子皆下材也臣有所與九方臯淮南子作九方堙其於馬非臣之比也穆公見之使行求馬三月而反報曰已得之於沙丘穆公曰何馬對曰牝而黃使人往取之牡而驪公不悅謂伯樂曰敗矣子之所求馬者色物牝牡弗能知又何馬之能知也伯樂曰若臯之所觀天機也得其精而忘其粗在其內而忘其外馬至果天下之良馬也列子

伯樂一顧

蘇代欲見齊王齊王怨蘇秦欲用蘇代不說見代乃說淳于髡曰人有賣駿馬者比三旦立於市人莫與言及見伯樂還而視之去而顧之一旦而價十倍足下有意爲臣伯樂乎春秋後語

市駿馬

郭隗謂燕昭王曰古之人君遣使者賫千金市千里馬於他國未至馬已死賣其首五百金以歸天下知其君之好也於是暮年而千里之馬至者三馬王誠欲致士先從隗始隗且見事况賢於隗者乎戰國策

塞翁失馬

塞上之人其馬亡入胡中人皆弔之其父曰此何詎知不爲福

乃數月其馬將胡駿馬而歸人皆賀之其父曰此何詎知不為禍家富馬良其子好騎墮而折解人皆弔之其父曰此何詎知不為福居一年胡夷大出丁壯者皆控弦而戰塞上之人死者十九此子獨以跛故子父相保

淮南子

廐焚不問馬

廐焚子退朝曰傷人乎不問馬

有馬借人

子曰吾猶及史之闕文也有馬者借人乘之今亡矣夫

馬號一疋

顏回望吳門馬見一疋練孔子曰馬也然則馬之光景一疋長耳故後人號馬為一疋

家語

或曰馬夜行目明照前四丈故曰

一疋或曰春秋左氏說諸侯相贈乘馬束帛為疋與馬相疋耳

風俗通

馬不食粟

季文子相魯馬不食粟

造父善御

定公問於顏淵曰東野子之善御乎顏淵曰善則善矣雖然其馬將失定公曰何以知之顏淵曰臣以政知之昔造父巧於使馬造父不窮其馬是造父無失馬也今東野畢之馭上車執轡御體正矣步驟馳騁朝禮畢矣歷歷致遠馬力盡矣然猶求馬不已是以知之也

荀子

王良善御

昔昔趙簡子使王良與嬖奚乘終日而不獲一禽嬖奚反命曰天下之賤工也或以告王良良曰請復之強而後可一朝而獲十禽嬖奚反命曰天下之良工也簡子曰我使掌專主也與女乘謂王良良不可曰吾為之範我驅馳終日不獲一為之詭遇一朝而獲十詩云不失其馳舍矢如破我不貫與小人乘請辭

御馬得人

駕轡膝駮乘旦王良執韉韓哀附輿縱馳騁騫忽如景靡過都歷國蹶如歷塊追奔電逐遺風周流八極萬里一息人馬相得也王褒頌

不棄老馬

田子方出見老馬於野喟然有志問於儒者曰此何馬也御者

曰故公家畜也罷而不為用故出放之田子方曰少盡其力而老棄其身仁者不為也束帛贖之窮士聞之知歸心焉韓詩外傳

騅不逝

項羽駿馬名騅常騎及敗於垓下乃歌曰時不利兮騅不逝及至烏江謂亭長曰吾騎此馬五歲所當無敵嘗一日千里不忍殺以賜公

却千里馬

買捐之上書曰孝文皇帝時有獻千里馬者詔曰鸞旗在前屬車在後日行五十里朕乘千里馬獨先安之於是還馬

梁王墮馬

梁王墮馬賈生自傷為傳無狀常哭泣後歲餘亦死

馬生水中

元狩二年馬生余吾水中元鼎四年馬生渥洼水中

求大宛馬

大宛有善馬在二師城匿不肯與漢使天子既好宛馬使壯士持千金及金馬以請宛王善馬宛國饒漢物相與謀不肯與漢使怒妄言推金而去宛貴人怒攻漢使取財物天子大怒拜李廣利為貳師將軍發屬國騎及郡縣惡少年數萬人以伐宛期至貳師城取善馬

騎馬入廟

晏元成以列侯侍祀當晨入朝天雨淖不駕四馬而騎馬至廟下有司劾之數人皆削爵

認馬即予

卓茂為丞相史事孔光嘗出行有人認其馬茂解與之曰若非公馬幸至丞相府歸我乃步輓車去後馬主得亡者乃詣府

驄馬御史

桓典為御史是時宦者執政典無所迴避嘗乘驄馬京師畏憚為之詩曰行行且止避驄馬御史

白馬生諫

漢張湛為光祿勳帝臨朝或有惰容湛輒諫其失常乘白馬上每見湛輒言曰白馬生且復諫矣

便面拊馬

張敞為京兆尹罷朝走馬章臺街自以便面拊馬注便面若今

沙門持竹扇不欲人見之也言敞無威儀也

騎欵段馬

馬援擊交趾謂官屬曰從第少游常哀吾多大志曰士生一世但取衣食足乘下澤車御欵段馬為郡吏守墳墓鄉里稱善人斯可矣求益盈餘但自苦耳

遭獲給免

曹操與呂布軍戰敗布得操騎而不知是操問曰曹使君何在答曰騎黃馬者是也因得免獻帝春秋

的顛濟厄

劉備之初奔劉表屯於樊城左右欲因會取備備覺如廁便出所乘馬走墮襄陽城西檀溪水中蒲不得出備急謂的顛曰今

日急不可不努力的顛達備意一踊三丈得過世說

躍馬超渡

孫權征合肥馬上律橋橋見撤丈餘無板權躍馬超之獲免

隨馬尋主

孫堅討董卓失利被鎗墮馬臥草中軍眾分散馬還營嗚呼軍人隨馬向草中乃得堅扶還營

馬不利主

庾亮所乘馬名的顛殷浩以為不利主勸亮賣之亮曰豈有已之不安而移之他人

馬蹊不驚

庾嶷遁世不仕牛馬有蹊嚙者恐傷人不驚於市

事文類聚後集 卷之三十八 德壽堂

墜馬折臂 見墓門

馬癖

王濟乘馬不肯渡水曰馬必是惜連乾障泥去之乃渡杜預曰濟有馬癖

馬行蟻封 見叔姪門

能活死馬

將軍趙固良馬歿惜之郭璞求謁吏不為通璞曰吾能活馬因出見之乃令三十人持竿東行三十里見丘林社廟以竹竿打樹果得一物似獾符歸此物見死馬噓吸其鼻中頃之馬果起奮迅如故不復見前物 續搜神記

唐置牧坊

唐新造坊於赤岸澤得牝牡三千匹命太僕張萬歲馴字之四十年孳乳成七十萬六千匹 文粹 武后置馬坊仗內六閑一曰飛龍二曰祥麟三曰鳳苑四曰鸞鸞五曰吉良六曰出羣

馬害圍人

柳公綽鹿馬害圍人公綽殺之或言良馬可愛曰安有良馬而害人乎

立仗馬

李林甫居相位凡十九年固寵市權諫官無敢言者謂補闕杜暹曰君等獨不見立仗馬乎終日無聲而飫三品芻豆一鳴則黜之矣 譚賓錄

詔許乘馬

事文類聚後集 卷之三十八 德壽堂

李勣嘗隄馬傷足帝以所乘馬賜之又詔得乘小馬出入東

為守斬芻

第五倫為會稽太守自斬芻

每色一隊

王毛仲高麗人於牧事尤力蕃息不貲從帝東封取牧馬數萬疋每色一隊相間如錦繡天子才之

騎馬奚奴從 見詩門

馬不勝載

安祿山肥每乘騎入朝半道必易馬號大夫換馬臺不爾馬輒什故馬必能負五石馳者乃勝載

支遁養馬

支遁字道林嘗養馬人或譏之答曰愛其神駿聊復畜爾

世說

舞馬

玄宗嘗以馬百疋盛飾分左右施三重榻舞傾盃數十曲壯士舉榻馬不動樂工姿秀者十數人衣黃衫文武帶立左右每千秋節舞於勤政樓下

樂志

帝教舞馬四百蹄分為左右部有名

稱曰某家驕其曲曰傾盃樂數十馬皆衣以錦繡絡以金鐸每樂作奮首鼓尾縱橫應節祿山取數十疋歸范陽後為田承嗣所得不知其伎也一日大饗樂作馬聞樂而舞廐人以為妖擊之而斃

明皇雜錄

前身作馬

奚官養馬之役者劉三復能說三生事自云前身作馬馬渴則

望驛而嘶傷蹄則連心痛

古今文集

雜著

相馬

李伯樂

馬生下墮地無毛行千里屎舉一脚行百里鬮筋堅者千里馬
膝如團翅千里馬一歲上下齒二十四歲齒黃三十三歲齒白
馬頭爲王欲得方目爲丞相欲得明脊爲將軍欲得強腹爲城
郭欲得張四下爲令欲得長眼欲得高匡眼睛欲得如懸鈴紫
艷光眼下懸蚕懸鑿欲得成鼻孔欲得大鼻頭欲得有王火字
口中欲得赤膝骨欲圓而張耳欲相近而豎小而厚伏龍骨欲
得成頸欲得長雙趺欲得大而突蹄欲得厚腹下欲得平有八
字尾骨欲得高而垂凡相馬之法先除三羸五駑乃相其餘大
頭小頸一羸也弱脊大腹二羸也小脛大蹄三羸也大頭緩耳
一駑也長頸不折二駑也短上長下三駑也大脛短脊四駑也
淺髓薄脾五駑也

莊子載徐無鬼見魏武侯告之以相狗馬荀子論堅白同
異云曾不如好相雞狗之可以爲名也史記褚先生於日
者傳後云黃直丈夫陳君夫婦人也以相馬立名天下留
長孺以相彘立名滎陽褚氏以相牛立名皆有高世絕人
之風今時相馬者間有之相牛者殆絕所謂雞狗彘者不
復聞之矣劉向七略相六畜三十八卷謂骨法之度數今
無一存

容齋隨筆

雜說

韓愈

世有伯樂然後有千里馬千里馬常有而伯樂不常有故雖有名馬祗辱於奴隸人之手駢死于槽櫪之間不以千里稱也馬之千里者一食或盡粟一石食馬者不知其能千里而食也是馬雖有千里之能食不飽力不足材美不外見欲與常馬等不可得安求其能千里也策之不以其道食之不盡其材鳴之不能通其意執策而臨之曰天下無馬嗚呼其真不知馬也耶

說驥

劉禹錫

伯氏佐戎于朔陲獲良馬以遺予予不知其良也秣之稊稗飲之汚池廐櫪也上痺而下蒸羈絡也綴索而續韋其易之如此予方病且窶求沾于肆肆之馭亦不知其良也評其價六十緡

將劑矣有裴氏子羸其二以承之謂善價也卒與裴氏裴氏所孛生雅挾相術於馬也尤工覩之周體怡然視聽然笑旣而抃隨之且曰久矣吾之不覩於是也是何柔心勁骨奇精妍態宛如鑿如擘如翔如之備耶今夫馬之德也全矣然顧其爲駒蔽銳于內且秣之垂方是用不說於常目須其齒備而氣振平則衆美灼見上可以獻帝閑次可以鬻千金裴也聞言竦焉遂徹其僕蠲其皂筐其惡廝其溲權以美薦秣以薊粒起之居之澡之音震之無分陰之怠斯以馬養馬之至分也居無何果以驥德聞客有唁予以喪其寶且譏其所貧也微予洒然曰始予有是馬也予常馬畜之今予鬻是馬也彼寶馬畜之寶與常在所遇耳且夫昔之翹陸也謂將蹄將嚙抵以橈策不知其籟雲

事文類聚後集 卷之三十一 十二 後言堂
也昔之噓吸也謂爲疝爲瘵投以藥石不知其噴玉也夫如是則雖曠日歷月將至頓踣曾何寶之有焉繇是而言方之於士則八十其緡也不猶愈於五殺乎客謬而竦予遂言曰馬之德也存乎形者也可以自取然猶違之若此矧德蘊於心者乎斯從古之歎予不敢歎

八駿圖序

秦少游

予嘗聞有周穆王八駿之說乃今獲覽厥圖雄凌趨勝彪虎文螭之流與今馬高絕懸異矣其名盜驪蜚黃騶白犧之屬也視矯首則若飛雲視舉足則若乘風有待馭之狀有矜羣之姿若日月之所不足至若天地之所不足周軒軒然嶷嶷然言其真也實皇降之精思其發也猶神扶其魄軾者如仙御者如夢將變化何別哉世說周穆王駕八駿日會王母於瑤池從羣仙而遊按山海經云中國三萬里非虛說也而不知其從得之厥神是生爲之用欤何古書無其匹欤圖之首有褚公遂良題云秦漢傳之降于梁隋至于皇唐不泯厥跡卓入昭然奇哉信乎苟今考之于古則人大笑矣求之於時則曠世矣由是知物有同者不必良有異者不必否或慮觀之者昧故爲序以表焉

韓蘇杜公叙馬

韓公人物畫記其叙馬處云馬大者九疋於馬之中又有上者下者焉行者牽者奔者涉者陸者翹者顧者鳴者寢者訛者立者齧者渡者陟者降者痒磨樹者噓者嗅者喜而相戲怒相踉齧者秣者騎者驟者走者載服物者載狐兔者凡馬之事二十

有七焉馬大小八十有三而莫有同者焉秦少游謂其序事該而不煩故倣之而作羅漢記坡公賦韓幹十四馬詩云二馬並驅攢八蹄二馬宛頸髮尾齊一馬任前雙舉後一馬却避長鳴嘶老髯奚官騎且顧前身作馬通馬語後有八匹飲且行微流起吻若有聲前者既濟出林鶴後者欲涉鶴俛啄最後一匹馬中龍不嘶不動尾搖風韓生畫馬真是馬蘇子作詩如見畫世無伯樂亦無韓此詩此畫誰當看詩之與記其體雖異其爲布置鋪寫則同誦坡公之語蓋不待見畫也予雲林繪監中有臨本略無小異杜老觀曹將軍畫馬圖云昔日太宗拳毛騮近時郭家師子花今之新圖有二馬復令識者久嘆嗟其餘七疋亦殊絕迥若寒空動烟雪霜蹄蹴踏長楸間馬官廝養森成列可

憐九馬爭神駿顧視清高氣深穩其語視東坡似若不及至於斯須九重真龍出一洗萬古凡馬空不妨獨步也杜又有畫馬讚云韓幹畫馬毫端有神驊騮老大騾裊清新及四蹄雷電一日天池瞻彼駿骨實惟龍媒之句坡公九馬讚言薛紹彭家戲曹將軍九馬圖杜子美所爲作詩者也其詞云牧者萬歲繪者惟霸甫爲作誦偉哉九馬讀此詩文數篇真能使人方寸超然意象橫出可謂妙絕動宮商矣

容齋隨筆

畫馬讚

杜甫

韓幹畫馬毫端有神驊騮老大騾裊清新魚目瘦腦龍文長身雪垂白肉風盛闌筋逸態蕭疎高驤縱恣四蹄雷電一日天池御者閑敏云何難易愚夫乘騎動必顛躓瞻彼駿骨實惟龍媒

漢歌燕市已矣茲哉但見駑駘紛然往來良工惆悵落筆雄才

九馬圖贊

并序

蘇子瞻

長安薛君紹彭家藏曹將軍九馬圖杜子美所爲作詩者也奉
毛師子二駿在焉作九馬贊

牧者萬歲繪者惟霸甫爲作頌偉哉九馬姚宋廟堂李郭治兵
帝下毛龍以馭羣英我思開元今爲我日筋骨應圖至三萬匹
云何寂寥跬步山川負鹽挽磨淚濕九泉牝牡驪黃自以爲至
駿其一毛棄我千里蹠齧是乘脂蠟其鞭道阻且長喟其永嘆
古詩

天馬歌

太乙貺兮天馬下霑赤汗兮沫流赭志倣儻兮精權奇爾浮雲

兮瞻上馳體容與兮迤萬里今安匹兮龍爲友

渥洼神馬歌

漢武帝

天馬來從西極涉流沙九夷服天馬來歷無草徑千里循東道
天馬來開遠門竦于身逝崑崙天馬來龍之媒遊閭闔觀玉臺

驄馬行

杜甫

鄧公馬癖人共知初得花驄大宛種夙昔傳聞思一見牽來左
右神皆竦雄姿逸態何嘈啐顏影驕嘶自矜寵隅目青熒夾鏡
懸肉駿硯礪連錢動朝來試戲華軒下未覺千金滿高價赤汗
微生白雪毛銀鞍却覆香羅帕鄉家舊賜公能取天廐真龍此
其亞晝洗須騰涇渭深朝趨可刷幽并夜吾聞良驥老始成此
爲數年人更驚豈有四蹄疾如鳥不與八駿俱先鳴時俗造次

那得致雲霧晦冥方降精近聞下詔喧都邑却使騏驎地上行

衛尚書赤驃馬歌

岑參

君家赤驃畫不得一團旋風桃花色紅纓紫鞍珊瑚鞭玉鞍錦
籠黃金勒請君鞍出看君騎尾長宰地如紅綵自矜諸馬皆不
及却憶百金新買時香街紫陌鳳城內行人見者誰不愛揚鞭
驟急白汗流弄影行躡碧蹄碎紫髯胡駿金剪刀平明剪出三
鬣高櫪上看時獨意氣衆中牽出偏雄豪騎將獵向南山口城
南狐兔不復有草頭一點疾如飛却使蒼鷹翻向後憶昨看君
朝未央鳴珂擁蓋滿路香始知邊將真富貴可憐人馬相輝光
男兒意氣得如此駿馬長鳴北風起待君東去掃胡塵爲君一
日行千里

天馬歌

李白

天馬走出月支窟背爲虎文龍翼骨嘶青雲振綠髮蘭筋樵奇
走滅沒騰崑崙瀝西極四足無一蹶雞鳴刷燕晡秣越神行電
邁躡恍惚天馬呼飛龍趁月明長庚臆雙鳧尾如流星首渴烏
口噴紅光汗滿朱曾陪時龍躍天衢羈金絡月照皇都逸氣稜
稜凌九區白壁如山誰敢沾迴頭笑紫燕但覺爾輩愚天馬却
戀君軒竦躍驚矯浮雲翻萬里足躑躅遙瞻閭闔門不逢寒風
子誰採逸景孫白雲在天丘陵遠崔嵬鹽車上峻坂倒行逆施
畏日晚伯樂窮拂中道遺少盡其力老棄之願逢田子方惻然
爲我思雖有玉山木不能療苦飢嚴霜九月凋桂枝伏櫪銜冤
摧兩眉請君贖獻穆天子猶堪弄影舞瑤池

律詩

謝張安道惠馬

蘇子由

從事年來鬢似蓬，破車倦僕眾人中。
作詩僅比窮張籍，得馬還從老晉公。
夜起趨朝非所事，曉騎行樂定誰同。
憤乘欵段遊田里，怯聽駸駸兩耳風。

張水部集有謝裴晉公惠馬詩

驢

羣書要語驢長耳也

說文

蹇驢服駕無用日多

楚辭

騾驢父馬

母驢駃騠馬父驢母也

說文

詩長耳任從冰上過

趙逢

古今事類

靈帝乘驢

後漢靈帝於西園駕四白驢躬自操轡驅馳以爲之樂。公卿貴戚轉相倣效，夫驢服重致遠，上下山谷野人之所用耳。何有帝王君子，驂御之乎？遲鈍之畜而令貴之，天意若曰：國且大亂，凡執政者皆如驢也。

五行志

凡人相罵曰：久驢醜惡之稱也。

風俗通

長面似驢

見面門

騎驢到郡

晉文帝大親阮籍，願得爲東平太守。帝從之，籍便騎驢到郡，至皆壞府舍，諸壁障使內外相望，當十餘日便乘驢去。

文士傳

驅驢省父

胡威厲操清白，父質爲荊州太守，威自京都省之。家貧無車僕

自驅驢單行拜見父十餘日辭歸每至客舍自放驢取食晉陽秋

作驢鳴見甲慰門

華山騎驢見姓名門

啜紙成驢

張果老嘗乘一白驢休則疊之如紙置巾箱中以水啜之復

成驢起武橫山傳

古今文集

雜著

廬山公九錫俳諧文

宋表叔

若乃三軍陸邁糧運艱難謀臣停筭武夫吟嘆爾乃長鳴上黨慨慷應邦崎嶇千里荷囊致餐用捷大勳歷山不刊斯實爾之

功也走隨時興晨夜不默仰契玄象俯協漏刻應更長鳴豪分不忒雖挈壺著稱未足比德斯又爾之智也青春終身長頭廣額修尾後垂巨耳雙磔斯又爾之形也嘉麥既熟實須精麪負磨迴銜迅若轉電惠我眾庶神祇獲薦斯又爾之能也是用遣中大夫閻丘騾如爾使銜勒大鴻臚斑脚大將軍宮亭侯以湯州之廬江江州之廬陵吳國之桐廬合浦之朱廬封爾為廬山

黔之驢

柳宗元

黔之驢有好事者船載以入至則無可用放之山下虎見之龐然大物也以爲神蔽林間窺之稍出近之慙慙然莫知他日驢一鳴虎大駭以爲且噬已也甚恐然往來視之竟無異能者益習其聲又近出前後終不敢搏稍近益狎蕩倚衝冒驢不勝怒

羊大學犁牛之子騂且角雖欲勿用山川其舍諸語寧為雞口

毋為牛後史記若九牛亡一毛司馬遷書牛驥同皂鄒陽書勤

首曰勞牽不其鼻于尾弊太玄經

詩句 椎肥牛呼牟韓九牛亡一毛未多少間韓牛戴寒鴉過

別村蘇迨

古今事實

巢父牧犢

堯以天下讓巢父巢父曰君之牧天下亦猶余之牧孤犢君牧天下是各有所牧矣焉用惴惴然以所牧而與余余無用天下為也於是牽犢而去符子

巢父飲牛見隱逸門

武王放牛

武王放牛於桃林之野

宣王考牧

宣王考牧誰謂爾無牛九十其特爾牛來思其耳濕濕或降于阿或飲于池

牛羊茁壯

孔子嘗為乘田委吏曰牛羊茁壯長而已矣

乘牛度關見關門

牛謝拯溺

子路拯溺其人拜之以牛子路不受孔子曰魯人必不拯溺矣

齊王易牛

齊王見牽牛繫鐘以羊易之

莊子犧牛

見隱逸門

麤鼠食角

成七年麤鼠食郊牛角改卜牛麤鼠又食其角乃免牛

牽牛蹊田

楚子為陳夏氏亂故伐陳殺夏徵舒因縣陳申叔時使於齊使命不賀而退王使讓之對曰抑人有言曰牽牛以蹊人之田疇奪之牛牽牛以蹊者信有罪矣而奪之牛罪已重矣諸侯之從討有罪今縣陳貪其富也無乃不可乎王曰善

宣上

飯牛車下

甯戚飯牛車下扣角而商歌曰南山粲白石爛生不逢堯與舜

禪短布單衣纜至胛長夜漫漫何時且齊桓公聞之舉以為相

琴操

飯牛牛肥

百里奚爵祿不入於心故飯牛而牛肥

販牛於秦

百里奚未遇時販牛於秦鬻以五羊之皮公孫枝得而獻諸繆公繆公用之謀無不當舉必有功

呂氏春秋

庖丁解牛

庖丁為文惠君解牛曰臣之刀十九年所解千牛而刀刃若新彼節者有間而刀刃無厚以無厚入有間而恢恢乎其游刃必

有餘地是以十九年而刀刃如新

莊子

屠牛坦一朝解十二牛

而芒刃不頓賈誼策

猗頓畜牛

猗頓魯之窮士聞朱公富往問術焉告之曰子欲速富畜五牯乃適西河大畜牛羊于猗氏之南十年之間子息萬計貨擬王公孔叢子

刻五石牛

秦惠王欲伐蜀乃刻五石牛置金其後蜀人見之以爲牛能便金有養卒以爲此天牛也能使便金蜀王以爲然即發卒千人使武丁力士阨牛成道致三牧於成都秦得道通石牛力也後遺丞相張儀等隨石牛道伐蜀蜀紀

田單火牛

騎劫攻取卽墨田單取牛千頭衣以五彩束丹其角縛火其尾穿城而出步壯士五千銜枚隨其後牛出火明所觸皆死壯士因擊之燕師大敗遂收齊城

占犢吉祥

宋人有好行義者三世不懈家無故而黑牛生白犢以問孔子孔子曰此吉祥也以享上帝居一年其父無故而育牛復生白犢居一年其子又盲其後楚攻宋圍其城良易子而食之祈骸而炊之丁壯皆乘城戰死者大半此人父子有疾皆免列子

射牛不中

賈堅彎弓三石餘烈祖以堅善射故親試之乃取一牛置百步上召堅射曰能中之乎堅曰少壯之時能令不中今已年老不

能中之恪大笑射發一矢拂春再一矢磨腹皆附膚落毛上下
如一恪曰能復中乎堅曰所貴者以不中為奇中之何難一發
中之觀者咸服其妙

崔鳴十六國春秋燕語

賣劍買牛

龔遂為渤海太守民有帶刀劍者使賣劍買牛賣刀買犢可謂
帶刀佩犢之矣

丙吉問牛

丙吉為相出逢死傷橫道過之不問前行逢人逐牛牛喘吐舌
使問逐牛行幾里矣椽吏謂前後失問吉曰民鬪相殺傷長安
令京兆尹職所當禁捕宰相不親小事非所當問方春未可大
熱恐牛行近用暑故喘三公典調和陰陽職當憂是以問之

觸牆成字

鄭玄家牛觸牆成八字

白集注

常乘青牛

封君達少好道入鳥鼠山百餘年還鄉里常乘青牛故謂青牛
道士

牛飲天河

見八月門

認牛不辨

劉寬嘗行有人失牛者乃於路就寬車中認之寬無所言下駕
步歸有須認者得牛而送還叩頭慙謝寬曰幸勞見歸何為也

以木牛運

蜀諸葛亮復出祁山以木牛運米牛者方腹曲頭一脚四足頭

入領中舌著於腹載多而行少宜可大用不可小使

夢牛流血

見夢門

鄰牛犯禾

管寧鄰有牛犯寧禾者寧牽着涼處自飲食還牛主其主大慙

目光在牛背

王衍因宴集為族人所怒舉標擲其面衍初無言引王導共載而去然心不能平在車中攬鏡自照曰爾看吾目光乃在牛背

賭牛作爻

王愷之有牛名八百里駿常坐其蹄角王武子與射賭得趣左右探心作爻一啖而去

牛墜井中

褚彥回父湛之有牛墜井中湛之率左右營救彥回下簾不視

盜牛不問

晉周訪鄉人盜訪牛於家間殺之訪得密埋其肉不使人知

郭舒雅行鄉人盜殺舒牛事覺來謝舒曰君饑所以食牛餘肉

可共啖之世人皆伏

牛鬪持角

見勇力門

莊苗留犢

見清廉門

餉牛不食

梁傅昭性篤謹子婦家餉牛肉以進昭昭召其子曰食之斯犯也言之則不可取而埋之不負閭室如此

叔射殺牛

見嫂叔門

病牛贖回

後周孟信家貧唯有一老牛其兄子賣以供薪米契券訖信適從外來方知其賣因告買者曰此牛先來有病小用便發君不須也杖其兄子買者嗟異苦請不得

決爭牛訟

張允濟仕隋爲武陽令元武民以牸牛依婦家者久之孳十餘犢將歸而婦家不與牛民訴縣縣不能決乃詣允濟允濟曰若自有令吾何與爲民泣訴其抑允濟因令左右縛民蒙其首過婦家云捕盜牛者令盡出民家牛質所來歸不知還曰此婿家牛我無與卽遣左右撤蒙曰可以此還婿婦家叩頭服罪元武吏大慙

牛角挂書

李密聞包愷在緱山往從之以蒲薦乘牛挂漢書一帙角上一手捉牛靽一手翻書讀之越公楊素見而奇之

戴文成牛

貞元中海鹽縣有戴文老家富性貪其鄉人舉債必收利數倍有鄰人與之交利刻剝至死鄰人積恨數年文病歿鄰人家牛生一黑犢脇下白毛成字曰戴文間里咸知文子恥之乃求謝焉以物熨去其毛鄰人從之旣而文子以牛身無驗乃訟鄰人妄稱牛犢有字追至官則白毛依然復出但呼戴文牛則應身而至鄰人恐文子盜去夜則閉于別室經數歲方死

變化記

班特處士

竊茵假宿大僚莊南山下月夜有叩關稱桃林斑特處士因訪繼而南山斑寅將軍來謁茵為置酒及明視門外唯牛蹄虎跡而已廣記

白水牯牛見僧門

黑牡丹

唐末劉訓者京師富人梁氏開國嘗假貸以給軍京師春遊以觀牡丹為勝賞訓邀客賞花乃繫水牛數百在前指曰此劉氏黑牡丹也

盜割牛舌

包拯知天長縣有訴盜割牛舌者公使歸屠其牛鬻之既而有告私殺者公曰何為割某家牛舌而又告之盜者驚服

摸鐘試盜見盜門

古今文集

雜著

相牛經

竊戚

牛岐胡壽岐幸兩服下分為三去角近行駛眼欲得大眼中有白脉貫瞳

子最快頸骨長且大駛壁堂欲得闊脚服也倚欲得如絆馬聚而正也

膺庭欲得廣胃前天關欲得成背接骨雋骨欲得垂脊中央欲得下蘭株欲

得大尾林豐岳欲得大膝材骨垂頭欲得高百體欲得緊垂星

欲得有怒肉蹄上巴肉覆蹄間各怒肉力柱欲得大而當車骨也懸蹄欲得如

八字陰虹屬頭陰虹者有雙筋自尾骨屬頭陽鹽欲得廣陽鹽者夾尾臚前兩膝上常有

似鳴者有黃也洞胡無壽珠淵無壽旋毛當目下也上池有亂毛妨主

凶上也角中央也身欲得促形欲得如卷大臙疎肋難飴龍頭突目好跳號筋欲得成就筋後橫也毛欲得短密若長疎不耐寒氣尾不用至地尾毛少骨多者有力膝上肉欲得豎角欲得細鼻如鏡則雄牽口方易飴祭府方易飴

嘆牛

劉禹錫

劉子行其野有叟牽牛于蹊偶問焉何形之塊歟何足之病歟今蘇轂然將安之欬叟攬厖而對云塊其形飯之至也病其足役之過也請為君畢詞焉我儻車以自給當驅是牛引于鈞北登太行南並商嶺掣以迴之叱以聳之雖涉淖躋高轂如逢而軒不償及今廢矣顧其足雖傷而膚尚膺以畜豢之則無用以庖視之則有羸伊禁焉莫敢尸也用聞邦君饗士卜剛日矣是

往也將要售於宰夫余尸之曰以叟言之則利以余言之則悲若之何余方窶且無長物願解裘以贖將置諸豐草之鄉可乎叟輾然而哈曰我之沽是屈指計其直可以持醪而嚙肥飴子而衣妻若是之逸也奚事裘為且昔之厚其生非愛之也利其力今之致其死非惡之也利其財子烏乎落吾事劉子度是叟不可再辭屈乃以杖叩牛角而嘆曰所求盡矣所利趨矣是以負能霸吳屢饒賜斯既帝秦五刑具長平威震杜郵成陔下項擒鍾室誅皆用盡身殘功成禍歸可不悲哉可不悲哉嗚呼以不匱之用而應夫無方便時宜之莫吾害也苟物於形若用極則憂明已

下邳侯革華傳

韓愈

下邳侯華華者其先隴西人也三十六代祖守犍爲黃帝時以力召拜大司農以其闢土有功又知稼穡之艱難遷輕車都尉子孫相繼至周武王時徙居桃林冠冕遂絕其後人思其澤世之才因復具位而加任使焉華父犛生五年襲先祖爵祿仕至上輕車都尉華母世居長樂有乳哺之恩越王勾踐時嘗侍宴姑蘇臺詩所謂有覺德行者也犛因引重至太行山力不任事遂歿于轅下上嗟悼命太宰申屠公執刀而解之其支派分離散他處華長子也上念其父劬勞而歿于王事封華爲下邳侯詔將作大匠治之華爲性堅勁屈強難以直禦匠以其膏潤之然後去其豪族而加裁割焉會太原人金十奴與新鄭人斛斯生相逢薦華於五木大夫是後稍得成其名上嘉之遂釋褐

賜墨綬華嘗曰吾辛勤久令方成名得處上左右足矣及獻之果然華爲人善能履道別威儀進止趨蹌一隨人意上將駕出遊畋獵馳騁毬擊射御及禮神祭祀交賓接賢未嘗不召華偕往代事上久之因病忽開口論議洩露密旨上由是踈之詔將作大匠治之又命其友金十奴等補過之尋獻於上上雖納有泥塗賤處方召使之餘並不得預焉頃之上見其顏色顛頽又衰憊失度上咨歎曰下邳侯老而憊不任吾事今棄子於市不復召子矣華無息繼者族人焉贊曰

華氏之先本出皮姓軒轅時蒼頡觀鳥跡制文字以其始於皮而至於華故從華焉漢書功臣表有煮棗侯華末者卽其後也初華自胡而來趙武靈王時見重是後子孫盛於中國

牛賦

柳宗元

若知牛乎牛之爲物魁形巨首垂耳抱角毛角踈厚牟然而鳴黃鍾滿脰抵觸隆曦日耕百畝往來修直植乃禾黍自種自斂服箱以走輸入官倉已不適口富窮飽飢功用不有陷泥蹙塊嘗在草野人不慙愧利滿天下皮角見用肩尻莫保或穿絨騰或實俎豆由是覲之物無踰者不如羸驢服逐駑馬曲意隨勢不擇處所不耕不駕藿菽自與騰踏康莊出入輕舉喜則齊鼻怒則奮擲當道長鳴聞者驚辟善識門戶終身不惕牛雖有功於已何益命有好醜非若能力慎勿怨尤以受多福

書柳子厚牛賦後

蘇子瞻

嶺外俗皆恬殺牛而海南爲甚客自高化載牛渡海百尾一舟

遇風不順渴飢相倚以死者無數牛登舟皆鳴出涕旣金海南耕者與屠者常相半病不飲藥但殺牛以禱富者至殺十數牛死者不復云幸而不死卽歸德於巫以巫爲醫以牛爲藥間有飲藥者巫輒云神怒病不可復治親戚皆爲却藥禁醫不得入門人牛皆死而後已地產沉水香香必以牛易之黎黎人得牛皆以祭鬼無脫者中國人以沉水香供佛燎帝求福此皆燒牛肉也何福之能得哀哉予莫能救故書柳子厚牛賦以遺瓊州僧道潛使以曉諭其鄉人之有知者庶幾其可衰矣

跋唐人暮雨牧牛圖

宋元晦

吾老於農圃日親犁耙故雖不識畫而知此畫之爲真牛也彼其前者却顧而徐行後者驟首而騰赴目光炯然直若相語以

雨而相速以歸者覽者未必知也良工獨苦渠不信然延平余
無競出示此卷卷中有劉忠定鄒忠公題字覽之并足使人起
敬而龍山老人又先君所選士而余所嘗趨走焉者俯仰存
歿爲之慨然因識其後而歸之

古詩

謝胡文學惠水牛圖二卷

司馬君實

牛生天地間益物用最大其功配坤元彖爻參衆卦血毛類上
帝聆響景福介宗廟及賓客百禮無不在引耒刺中田粒食烝
民賴服箱走四方竭力任重載昔聞戴叟畫圖寫窮纖亦胡君
繼其妙差肩立異代公卿仰名聲一觀不可丐如何散賤者遽
有雙圖賚所嗟性顛愚雅不曉佳畫有如歌九招鍾鼓樂聲曠
得之乃虛器無異居大蔡神物恐化去立召風雨怪雙圖難卷
還重貺敢不拜

牧牛詞

李涉

朝牧牛牧牛下江曲夜牧牛牧牛村口谷荷簑出林春雨細蘆
管臥吹沙草綠亂挿蓬蒿箭滿腰不怕猛虎欺黃犢

書晁說之考牧圖後

蘇子瞻

我昔在田間但知羊與牛川平牛背穩如駕百斛舟舟行無人
岸自移我坐讀書牛不知前有百尾羊聽我鞭聲如鼓鼙我鞭
不妄發視其後者而鞭之澤中草木長草長病牛羊尋山跨坑
谷騰趨筋骨強煙簑雨笠長林下老去而今長見畫世間馬耳
射東風悔不長作多牛翁

牧牛兒

張文潛

牧牛兒遠陂牧遠陂牧牛芳草綠兒怒掉鞭牛不觸澗邊柳古
南風清麥深蔽目田野平烏犍礪角逐草行老犍卧噉飢不鳴
犍兒跳梁沒草去隔林應母時一聲老翁念兒自携餉出門先
上岡頭望日斜風雨濕蓑衣拍手唱歌尋伴歸遠村放牛風日
薄近村放牛泥水惡珠璣燕趙兒不知兒生但知牛背樂

題牧牛圖

陳非

千里煙草綠連山雨新足老牛抱朝飢向山影嚴棘犍兒枉走
先過浦却立長鳴待其母母子為人實倉廩汝餉不慙人愧汝
牧童生來日日娛只憂身大當把鋤日斜睡足牛背上不信人
間有廣輿

律詩

昇平調

王元之

細草烟深暮雨收牧童歸去倒騎牛笛中一曲昇平樂再得生
來未解愁

牛

歐陽永叔

日出東籬黃雀驚雪消春動草芽生土坡平慢陂田闊橫載童
兒帶犍行

買牛

陸務觀

老子傾囊得萬錢石帆山下買烏犍牧童避雨歸來晚一笛春
風草滿川

詩話

託牛寓諷

李家明滑稽善諷諫從後主登臺望鍾山見牛臥樹陰下嗣主曰牛且熱矣家明上絕句云曾遭寧戚鞭敲角又被田單火燎身閑背斜陽嚼枯草近來問喘更無人

騎牛作歌

陳仲舉賢良熙寧中言新法不便謫南康酒稅奏兩黃犢時與劉凝之跨之游廬山凝之桂冠隱居嘗作騎牛歌曰我騎牛君莫笑世間萬事從吾好李伯時因畫為圖新安人竹洲先生吳恭父徵亦題古風云汗血聲利場舉世循一軌霜風老叢棘松路石齒齒牛瘦僕夫疲累累山谷裏兩翁非病狂顧獨不取彼牛背有佳處未可語俗子夷齊向于載凜凜有生氣試問齊景

公鳥用馬千駟

羊

羣書要語羔羊子也狩五月生羔也犖臄六月生羔也牽七月

生羊也**姚**雉矯羊未卒歲也**牝**牡羊也**玃**牡羊也說文吳羊牝

一歲曰**眺**三歲曰**羝**牡一歲曰**狩**三歲曰**牝**吳羊**牝**居八曰**羝**

滿洛反**殺**羊**牝**曰**羯**廣雅羊一名**髯**鬚主簿古今注凡祭祀宗廟

之禮羊曰**柔**毛曲禮大夫無故不殺羊曲禮羊冷毛而**羝**羶內

則仲春**殺**羔**開**冰月令伐冰之家不畜牛羊大學羝羊觸藩羸

其角易牝羊**羝**首萃之由醉之言憚出童殺賁廷凡**贄**卿用羔

羔有角而不用如好仁者執之不鳴殺之不誦類死義者羔飲

其毋必跪類知禮者羊之為言猶羊故以為贄春秋繁露十羊

九牧六帖無異驅羊攻虎漢書無異使羊將狼張良傳宋義下

令軍中曰狼如羊貪如狼不可使者皆斬之同上

詩句牛羊歸徑險 牛羊識童僕並杜麥隴縱牛羊后山喜動

鄰里烹猪羊歐北風低草見牛羊山谷

古今事實

宣王考牧

宣王考牧誰謂爾無羊三百雖羣爾羊來思其角濺濺或降于阿或飲于池或寢或訛爾牧來思何簑何笠或負其餼三十推物爾牲則貝爾牧來思以薪以蒸以雌以雄爾羊來思矜匕兢覲不騫不崩靡之以肱畢來既升

證父攘羊

葉公語孔子曰吾黨有直躬者其父攘羊而子證之

存羊愛禮

子貢欲去告朔之餼羊子曰賜也爾愛其羊我愛其禮

羶羊土怪

魯桓子穿井獲如土缶其中有羊焉使問仲尼曰吾穿井得羊也對曰丘聞之土之怪羶羊也

童子牧羊

楊朱見梁惠王言治天下如運諸掌王曰先生有一妻一妾而不能治三畝之園而不能耘言治天下何也曰君見夫牧羊者乎百羊為羣使五尺童子荷箠而隨之欲東而東欲西而西使

堯牽一羊舜荷箠而隨則不能前也

列子

滅谷亡羊

滅與谷二人相與牧羊而俱亡其羊問滅奚事則挾冊讀書問谷奚事則博塞以遊

莊子

亡羊多岐

楊子之鄰人亡羊既率其黨又請楊子之豎追之楊子曰嘻亡一羊何追者之衆鄰人曰多岐既反問獲羊乎曰亡之矣曰奚亡之曰岐路之中又有岐焉吾不知所之所以反也

列子

肉袒牽羊

楚子圍鄭鄭伯肉袒牽羊以逆曰狐不天不能事君使懷怒以及敝邑狐之罪也

羊斟不與

宋華元殺羊食士其御羊斟不與及戰曰疇昔之羊子為政今日之事我為政與入鄭師故敗君子謂羊斟非人也以其私憾敗國殄民

宣二

羊舌為氏

昔有攘羊者以羊頭遺晉叔向向毋埋之不食後三年攘羊事發遣捕向家檢羊骨肉都盡惟有舌在國人異之遂以羊舌為氏

隱於屠肆

屠羊說楚人隱於屠肆昭王失國說往從王王反國欲將賞說說曰大王失國說屠羊大王反國說亦屠羊臣之爵祿已復矣又何賞之有王使司馬子綦延之以三珪之位說曰願長及屠

羊之肆耳遂不受

高士傳

鬼化為羊

南陽宗定伯年少時夜行逢鬼問鬼所忌答曰唯不喜人唾定伯便擔鬼着頭上急持行徑至市中下着地化為一羊唾之恐其變化賣之得錢千五百

雄異傳

卜式牧羊

卜式有少弟出分獨取畜羊百餘田宅財物盡與弟式入山牧十餘歲羊千餘上曰吾有羊在上林中乃拜式為即布衣草躡而牧歲餘羊肥息上見其羊問之式曰非獨羊也治民亦猶是也惡者輒去無令敗羣上以式為奇拜緹氏令

蘇武牧羊

蘇武往使匈奴匈奴知武不可降使北海無人處牧羊羝羊羝乳乃得歸武至海上廩食不至乃掘野鼠草芩而食武杖漢節牧羊臥起常持節旄盡脫

牧羊學書

路溫舒父為里監門使溫舒牧羊溫舒取澤中蒲截以為牒編用寫書

祠竈用羊

見竈門

瘦羊博士

見臘門

左慈化羊

後漢左慈字元放曹操嘗出近郊從者百許人慈為齋酒一升脯一斤手自斟酌百官醉飽操怪之使行視諸壚悉忘其酒脯

操懷不喜欲因坐上殺之慈卻入壁中霍然不知所在或見於市又捕之市人皆變形與慈同莫知誰是後人逢慈於陽城山頭因復逐之遂走入羊羣操知不可得令就羊中告之曰不復相殺本試君術耳忽一老羝屈前膝人立言曰遽如許即競往赴之羣羊數百皆變爲羝並屈膝人立言曰遽如許遂莫知所取

初平叱羊

皇初平生十五家使牧羊有道士見其良謹便將至金華山石室中四十餘年忽然不復念家其兄初起行索初平歷年不得後見市中有道士乃問之道士曰金華山中有牧羊兒姓皇字初平兄乃道道士與初平相見語事問羊何在曰在山東兄往

視但見白石不見羊初平曰羊在耳兄自不見初平乃往叱羊羊起於是白石皆起成羊數萬頭

神仙傳

牧羊讀書

楊浚同郡王象少孤特爲人僕隸年十七八見使牧羊而私讀書因獲唾楚俊美其才質即贖象着家婚娶立屋然後與別象官至散騎常侍

乘羊車

晉宮人以鹽塗竹葉引羊車 衛玠總角乘羊車入市見者皆以爲玉人

羊乃雨工

柳毅遇洞庭女牧羊曰吾不知子之牧羊何所用哉神祇豈宰

殺乎女曰非羊也雨工也何謂雨工曰雷霆之類也殺復視之則皆矯顧拳步飲齧甚異而大小毛角則與羊無別焉

靈烟傳

當食萬羊

唐相國李德裕爲太子少保分司東都嘗召一僧問已之休咎僧曰公災當萬里南去曰南去遂不還乎僧曰當還耳公訊其事對曰相國平生當食萬羊今食九千五百矣所以當還者未盡五百羊耳公慘然而嘆曰吾師果至人且我元和十三年爲丞相張公從事於此都嘗夢行晉山見山上盡目皆羊有牧羊者十數迎拜我我因問牧者牧者曰此侍御平生所食羊吾嘗識此夢不洩於人今者果如師之說耶後旬日振武節度使米暨遣使致書於公且饋四百羊公大驚卽召告其事僧嘆曰萬

羊將滿公其不還乎公曰吾不食之亦可免耶曰羊至此已爲相國所有公戚然不悅旬日貶潮州司馬連貶崖州司戶竟沒於荒裔

太平廣記

兵蒙羊皮

王處存以輕兵三千蒙羊皮夜布之野李全忠軍望爲羣羊爭趨之

李茂勳傳

不忍烹羊

仁宗性仁恕一日晨興語近臣曰昨夕因不寐而甚飢思食燒羊侍臣曰何不降旨取索仁宗曰比聞禁中每有取索外面遂以爲例誠恐自此遂夜宰殺以備非時供應則歲月之久害物多矣豈不忍一夕之餒而啟無窮之殺也時左右皆呼萬歲至

有感泣者

魏泰記

古今文集

雜著

顧愷之畫黃初平牧羊圖贊

蘇子瞻

先生養生如牧羊放之無何有之鄉止者自止行者行先生超然坐其旁挾冊讀書羊不亡化而為石起復僵流涎磨牙笑虎狼先生上賓羊服箱號稱雨工行四方莫隨上林芒屨 郎躡門舐地尋鹽湯

古詩

五仙謠

郭功父

番禺五仙人騎羊各一色手持六秬穗翱翔繞城壁翩然去乘雲諸羊化為石至今留空祠異像猶可識曾聞經猛火毫髮無痕跡五仙寧復來三說頗難測只憂風雨至半夜隨霹靂君不見羗廬劉越之洞天萬象森羅無一尺

律詩

戲答張秘監饋羊

黃魯直

細肋柔毛飽臥沙煩公遣騎送寒家忍令無罪充庖宰留與兒童駕小車

新編古今事文類聚後集卷之三十九終

事類類聚後集

卷之三十九

二十九

忠壽堂

新編古今事文類聚後集卷之四十

建安

祝穆

和父

編

金陵

唐富春

子和

刊

毛蟲部

豕

羣書要語豕豬也

爾雅

穀許

反

小肚也

豚生三月也

從豚生

六月也

或曰一歲曰豨

豨豕也

豨也

說文

燕朝鮮之間謂之豨

關東謂之豨

或謂之豨

豨

或謂之豨

豨

豨

豨

豨

豨

豨

之豨

其子謂之豚

或謂之豨

吳揚之間謂之豨

子

豨

豨

豨

豨

豨

豨

豨

豨

豨將軍

古今注

凡祭祀之禮

豨曰剛鬣

豚曰脂肥

曲禮

士無故

豨

豨

豨

豨

豨

豨

不殺犬豕

王制

居澤者不以鹿豕為禮

禮記

押豚古禮也

禮記

中等信及豚魚

中孚

獷豕之牙

大畜

豕負塗

睽卦

有豕白蹄烝

涉波矣

漸漸之石

狗彘食人食而不知檢

二母彘

孟子

桂林

風俗日食蛙曰豈不勝於黑面郎哉黑面郎謂猪也

承乎舊纂

詩句

小市冷落無雞豚

坡

枉教人誚牧猪奴

晦菴

磨刀霍霍向

猪羊

坡

五日一見洗猪肉

坡

古今事實

饋豚

陽貨欲見孔子孔子不見饋孔子豚

佩豕豚

子路性鄙好勇力冠雄雞冠佩豕豚凌暴孔子孔子設禮稍讀

子路後服委質因門人請為弟子

史

買猪啖子

見教子門

豚肩不掩豆

晏平仲儉祭先人豚肩不掩豆

封豕貪婪

昔有仍氏生女樂正后夔娶之生伯封實有豕心貪婪無厭謂

之封豕也

昭七

公子彭生

齊無知弒其君十二月齊侯游于姑棼遂田于貝丘見大豕從

者曰公子彭生也公怒曰彭生敢見射之豕人立而啼公懼墜

于車傷足喪履遇賊于門遂殺之而立無知

莊八

婁猪艾豨

衛靈公夫人南子與宋朝通衛太子使齊過宋宋野人以婁猪刺而歌之云既定爾婁猪豕子猪也喻南子盍反吾艾豨老豕

喻宋朝昭七

大豕化龜

朔人獻燕昭王以大豕曰養奚若使曰豕也非大圃不居非人便不珍今年百二十矣人謂豕仙王乃命豕宰養之大如沙獮足如不勝其體甚巨無用燕相謂王曰奚不享之王乃命宰夫膳之夕見夢於燕相曰造化勞我以豕形食我以人穢吾患其生久矣仗君之靈得化吾生始得為魯津之伯燕相游乎魯津有赤龜奉璧而獻符子

卮酒蕪肩

項羽賜樊噲卮酒蕪肩

牧豕海上

公孫弘淄川人少時為獄吏有罪家貧牧豕海上四十餘乃學春秋雜說年六十以賢良徵為學士至丞相封平津侯

野蕪驚姬

鄧都為中郎將從景帝入上林買姬在厠野蕪入厠上目都都不行上欲自持兵救賈姬都曰亡一姬復一姬進天下所少寧姬等耶陛下縱自輕奈宗廟太后何上還蕪亦不傷賈姬

怒使擊豕

竇太后好老子書召表固問老子固曰此家人言耳太后怒曰

事文類聚後集 卷之四十一 御書堂本
安得司空城旦書乎使固下圈擊豕景帝知太后怒而固直言
無罪乃假固利兵下圈刺豕正中其心應手而倒太后默然乃
罷之

獻遼東豕

朱浮責彭寵書曰伯通自伐以功爲高天下往時遼東有豕生
子白頭異而獻之行至河東見羣豕皆白懷慙而還若以子功
論於朝廷則爲遼東豕也

妄認亡豕

曹萌以仁厚稱隣人有亡豕者與萌豕相類詣門認之萌不與
爭後所亡豕自還其主大慙送所認豕辭謝萌萌笑而受之
司馬徽嘗有人妄認徽猪便推之後得亡猪以猪還徽叩頭自

責徽厚致謝之

猪肝勞人

閔仲叔居安邑家貧不能得錢買肉安邑令候之問諸子何飲
食對曰但食猪肝屠者或不肯與之令出敕市後常買輒得仲
叔怪問其子道狀如此乃歎曰仲叔豈以口腹累安邑耶遂去

售猪過直

朱穆嘗養猪有病使人賣之於市賣猪者售不言病且值過多
穆怪其故責半直以還買猪者辭不取穆棄錢而去

牧豕償火

梁鴻家貧牧豕上林苑中曾誤遺火燒及他舍乃以豕償之其
主猶以爲少鴻願以身居作主人許因爲執勤不懈耆老見鴻

非常人乃共責讓主人於是悉還其豕鴻不受乃去

養猪嘍嘍

馬氏兄弟五人共作客舍養猪賣豚故民謂之曰苑中三公鉅
下二卿五門嘍嘍但聞做聲 三輔決錄

蒸豚尤美

晉王濟性豪侈帝幸其家供饌甚豐蒸豚尤美上問其故對曰
以人乳蒸之上色不平食未畢而去

諫帝射豕

唐儉從獵洛陽苑羣豕突出于林帝射四發輒殪四豕一豕躍
及鐙儉投馬搏之帝拔劍斷豕顧笑曰天策長史不見上將擊
賊耶何懼之甚儉對曰陛下神武定四方豈復快心於一獸哉

諫牧官豕

盧杞為虢州刺史奏言號有官豕三千為民患德宗曰徙之沙
苑杞曰同州亦陛下百姓臣謂食之便帝曰守號而憂他州宰
相才也詔以豕賜貧民遂有意柄任矣

化為異猪

安祿山嘗夜宴醉臥化為異猪而龍首左右遽言之玄宗曰猪
龍也無能為者 祿山事跡

烏將軍娶女

郭元振開元中下第自晉之汾夜行失道有宅門宇甚峻堂上
燈燭而悄無人俄聞女子哭聲公曰人耶鬼耶曰妾鄉有烏將
軍能禍福人每歲鄉人擇美女嫁焉父利鄉人之金潛以應選

醉妾此室而去將軍二更當來公大憤曰吾力救不得當殺身以徇女未久車馬駢闐紫衣吏入復走曰相公在此既而將軍入公出揖曰聞今夕嘉禮願爲小相將軍喜而延坐公取佩刀斫其腕而斷之將軍失聲而走天明視其手乃猪蹄也俄聞哭聲漸近乃父母舁輓而來將收其屍公具告焉乃令鄉人執弓矢尋血而行入大冢中見大猪無前蹄走出而繫公納其女爲側室

幽怪錄

殺祭社猪

見社門

猪肉發風

經筵官會食資善堂東坡盛稱河豚之美呂元明問其味曰直那一炊再會又稱猪肉之美范淳甫曰奈發風何東坡笑曰淳

甫誣告猪肉

聞見錄

失殺擊鼓

淳化中京畿民牟暉擊登聞鼓院訴家奴失殺豚一詔令賜千錢償其直因謂宰相曰似此細事悉訴於朕亦爲聽決大可笑然推此心以臨天下可以無冤民矣

古今文集

雜著

大蘭王九錫文

宋表淑

太亥十年九月乙亥朔十三日丁亥北燕伯使使者豪稀冊命大蘭王曰惟君稟太陰之沉精標羣形於玄質體肥腩而洪茂長無心以遊逸資養於人主雖無爵而有秩此君之純也君

昔封國殷商號曰豕氏業隆當時名垂後世此君之美也白蹄
彰于周詩涉波應乎隆象歌咏垂于人口經千載而流響此君
之德也君相與野遊唯君為雄顧羣數百自西徂東俯歎沫則
成霧仰奮鬣則生風猛毒必噬有敵必攻長驅直突陣無全鋒
此君之勇也

古詩

吳春卿餉臘猪肉戲作古句

楊廷秀

老夫畏熱飯不能先生饋肉香傾城霜刀削下黃水精月斧斫
出紅松明君家豬紅臘前作是時雪後吳山脚公子彭生初解
綽糟丘挽上凌烟閣却將一臠配兩螯世間直有揚州鶴

詩話

僧饋蒸豚 見寺門

狗

羣書要語 犬狗也長喙獠短喙獨獠狗絕有力狗四尺為獒

雅 獠韓良犬也 狺音鵲 宋良犬也 字林 龐犬多毛者也 說文 凡

祭祀犬曰羹獻 曲禮 犬赤股而臊躁 內則 士無故不殺犬 王制

尊客之前不叱狗 曲禮 長者之前毋投與狗骨 曲禮 盧重環 盧

令 無使麗也 吠 野廡 載驗歇驕 駟職 逐麋之犬不顧兔 史記 一

犬吠形百犬吠聲 蒼夫論 雞鳴狗吠相聞以達乎四境 孟子 君

之門兮九重猛犬狺狺而迎吠 宋 騷 盧狗之遇嗾呀呀而走不
顧險阻惟嗾者之從 柳與楊誨之書 敬主識主晝則無窺窬之

客夜則無姦淫之賓非吾畋獵之有迺可安國家而衛四鄰者

也魏賈傳首類驤螭尾如騰蛇傳元賦震茹橫荆王犬名而榴

宋鵲傳元賦狗豺之舅豺遇狗輒跪如拜狀西陽雜俎犬吠屠

人世傳有物隨之非也此正如海上鷗爾程氏遺書

詩句犬迎曾宿客杜重過何氏舊犬喜我歸低頭入衣裾杜躍

犬疾翥鳥韓昔如縱壑魚今如喪家狗杜仙家犬吠白雲間杜

人烟犬吠西山麓黃

古今事實

犬名槃瓠

槃瓠者本高辛氏宮中老婦人有耳疾醫者挑治之有物大如
繭以瓠離盛之以槃覆之有頃化為犬其文五色因名槃瓠搜

神記

女嫁槃瓠

昔高辛氏有犬戎之寇帝患其侵暴而征伐不克乃訪募天下
有能得犬戎之將吳將軍者賜黃金千鎰邑萬家又妻以少女
有畜狗其毛五彩名曰槃瓠下令之後槃瓠俄銜一頭泊闕下
羣臣怪而診之乃吳將軍首也帝大喜且謂槃瓠不可妻之以
女又無封爵之道議欲報之而未知所宜女聞以為皇帝下令
不可違信因請行帝不得已以女妻槃瓠槃瓠得女負而走入
南山石室中險絕人跡不至經三年生六男六女槃瓠因自夫
妻好色衣服製裁皆有尾其母後以狀白帝於是迎諸子衣裳
爛瑛言語侏儻好入山壑不樂平曠帝順其意賜以名山廣澤

其後滋蔓號曰蠻夷今長沙武陵蠻是也

後漢南蠻傳

少康逐犬

少康逐犬而顛隕厥首注言少康因獵放犬逐獸於是舍所宿也楚辭

西旅獻獒

西旅獻獒太保乃作旅獒

鵠倉衙郊

徐國宮人妊娠而產郊以為不祥棄於水邊孤獨老母有犬名鵠倉獵於水濱得所棄郊衙以來歸獨母以為異覆煖之遂拂螂成小兒生時正偃故以為名徐君宮之聞之乃更收養長而仁智襲徐君國鵠倉臨死更生角而九尾實黃龍也偃王葬之

今名狗龍偃王志

敝帷埋狗

仲尼畜狗使子貢埋之曰吾聞敝帷不棄為埋狗也丘也貧無蓋於其封也亦與之席毋使其首陷焉

從狗門入 見短人門

易衣狗吠

楊朱之弟曰布衣素衣而出天雨解素衣衣黑衣而返其狗卻而吠之楊布怒將朴狗楊朱曰子無朴矣子亦猶是也嚮者使汝狗白而往黑而來豈能無怪哉列子

狗妨沽酒 見沽酒門

客不過門

尹文子曰康衢長者字僮曰善搏字犬曰善噬賓客不過其門三年長者怪而問之以實對於是改之賓客復往

韓廬逐兔 見兔門

犬喻小人

管仲將死謂桓公曰有犬嗥嗥旦夕欲噬我假而不使也君必去之言易牙豎貂必為亂也 管子

嗥葵搏人

晉侯飲趙盾酒伏甲將攻之其右提彌明知之趨登曰臣侍君宴過三爵非禮也遂扶以下公嗥夫葵焉明搏而殺之盾曰棄人用犬雖猛何為闔且出提彌明死之

人逐糜狗

國人逐糜狗糜狗入於華臣氏國人從之華臣懼遂奔陳

求犬弗與

秦伯有嚙犬第鍼欲請之秦伯不與鍼以百兩金易之又不聽因逐鍼而奪其爵 昭元

兔死狗烹

范蠡之齊遺大夫種書曰狡兔死走狗烹

東門牽犬

李斯為趙高所誣謀反具五刑論腰斷咸陽市斯出獄與其中子俱執顧謂中子曰吾欲與若復牽黃犬臂蒼鷹俱出上蔡東門逐狡兔豈可乎遂父子相哭而夷三族

客為狗盜 見主賓門

指蹤獵狗

漢高祖曰諸公知獵狗乎為人逐獸者狗也指蹤示獸者人也蕭何功之人也

屠狗為事

樊噲以屠狗為事

為狗監

漢楊得意為狗監

好走狗

宣帝好鬪雞走狗

叱犬去妻

見去妻門

狗惡人呵

董卓為漢相國所愛胡恃寵放縱為司隸趙謙所殺卓大怒曰我愛狗尚不欲令人呵之况人乎召司隸都官槌殺之

魏志

臺中三狗

丁謚外似疎濫而內明慧雖與何晏鄧颺等同列而皆少之唯以聲勢屈於曹爽亦敬之言無不從故于時謗書謂臺中三狗唯喋不可當一狗憑默作蛆囊三狗謂何鄧丁也默者爽小字也其意言三狗皆欲嚙人而畜蛆也

魏略

犬怪兆亡

公孫淵未亡家數有怪犬冠幘絳衣上臺

魏志

夢白犬噬

王敦敗京都之後夢白犬自天而下噬之

孫盛晉陽秋

黃耳傳書

陸機好獵在吳豪客獻快犬名黃耳機後仕洛戲語犬曰我家絕無書汝能馳往否犬搖尾作聲應之機爲書盛以竹筒繫之犬頸犬出驛路走向吳饑則入草噬肉取飽每經大水輒依渡者弭毛掉尾向之其人憐愛因呼上船載近岸卽騰上遂去度致機家開筒取書看畢犬又伺人作聲如有所求其家作答書內筒復繫犬頸犬旣得答仍馳還各計人行五程犬往還纔半月後犬死殞之遣還葬去機家二百步呼爲黃耳冢

述異記

瓠繫狗頸

杜預初攻吳吳人憚其智以瓠繫狗頸示之預恨之及平盡殺之犬救其主

晉太和中湯生養狗甚愛之後生飲酒行大澤草中眠時冬月野火起風又猛狗號喚生不覺前有一坑水狗便走往水中還以身洒生左右草沾水得着地火尋過去生醒方見他日又閑行墮于空井中狗呻吟徹曉有人過怪之往視見生曰君可出我當厚報君人曰以此狗相與便當相出生曰此狗曾活我於已死不得相與餘即無惜人曰若爾便不相出狗因下頭向井生知其意乃語路人以狗相與人乃出之繫狗而去後五日狗夜走歸

續搜神記

狗報婦姦

會稽勾章氏張然滯役在都經年不得歸家有少婦遂與奴私通然在都養一狗甚快名烏龍後假歸奴與婦謀欲得殺然然

及妻作飯食共坐下食未得噉奴當戶倚張弓括箭拔刀然以盤中肉飯與狗狗不取惟注睛舐脣視奴然亦覺之奴催食轉急然決計拍髀大喚曰烏龍狗應聲傷奴奴失刀伏倒地狗咋奴頭然因取刀斬奴以婦付官殺之

搜神記

狗怪不訝

桂陽太守汝南韋叔堅少時爲從事狗如人立行家人皆言當卽殺之叔堅云犬馬諭君子狗見人行效之何傷叔堅爲卽還解冠擲上狗驚而走家人驚愕復云誤觸冠冠纓桂着耳狗又於庭前有人家益恠營復云兒婦在田中狗助畜火幸可不煩鄰里更有何怪遂不肯殺後數日狗自暴死卒無他異叔堅終享大位

風俗通

賣犬嫁女

見嫁婚門

群狗競走

北齊徐之才與朝士出游遙望羣犬競走諸人令目之之才應聲曰爲是宋鵲爲是韓盧爲是逐李斯東走爲負帝女南征

主悴犬吠

梁徐勉爲侍中時師方侵魏候驛填委勉叅軍書勳經數旬一還家羣犬驚吠勉曰吾憂國忘家乃至於此吾亡後亦是傳中一事也

狗不夜吠

岑熙爲魏郡太守人歌曰吠狗不驚足下生鞞 李栖筠爲常州刺史里無吠犬

南犬吠雪

僕聞庸蜀之南常雨少日日出則犬吠予以爲過言前六七年僕來幸大雪踰嶺被南越中數州數州之犬皆蒼黃吠噬狂走者累日至無雪乃已然後始信前所聞者 柳宗元書

狗人國

北狗國人身狗首長毛不衣手搏猛獸語爲犬嗥其妻皆人能漢語生男爲狗生女爲人自相婚嫁穴居食生而妻女人食熟嘗有中國人至其國其妻憐之使逃歸與其筋十餘隻教其每走十餘里遺一筋狗夫追之見其家物必銜歸則不能追矣 五代史

殺狗當禁

東坡云今日廂界有殺狗公事司法言近新書不禁殺狗問其說出於禮鄉飲酒烹狗於東方不禁然則禮云賓客之牛角尺亦不當殺牛乎孔子曰敝帷不棄爲埋狗也敝蓋不棄爲埋馬也死猶不忍食其肉况可殺乎 志林

古今文集

古詩

嗟哉董生行

韓愈

嗟哉董生孝且慈人不識惟有天公知生祥下瑞無時期家有狗乳求出食雞來哺其兒啄啄庭中拾蟲蟻哺之不食鳴聲悲徬徨躑躅久不去以翼來覆待狗歸嗟哉董生誰將與儔時之人夫妻相虐兄弟爲讎食君之祿而令父母愁亦獨何心嗟哉

董生誰將與儔

桃花犬歌呈修史錢侍郎

李至

宮中有犬桃花名絳繒圍頸懸金鈴先皇為愛馴且異指顧之
 間知上意珠簾未捲扇未開桃花搖尾長先至夜靜不離香砌
 眠朝飢祇傍御床餒彩雲路熟不勞牽搖草風微有時吠無何
 軒后鑄鼎成忽遺弓劔棄蓬瀛迢迢松闕伊川上遠逐龍輜十
 數程兩皆漣漣似垂淚骨見寒毛頓憔悴萬人見者俱傷心微
 物感恩猶若是韓盧備獵何足嘉西旅充庭豈為瑞聞君奉詔
 修實錄一字為褒應不曲白魚赤鴈且勿書願君書此懲浮俗
 予來儋耳得大狗曰烏喙甚猛而馴隨予遷合浦過
 澄邁泗而濟路人皆驚戲作此詩

蘇子瞻

烏喙本海獒幸我為之主食餘已瓠肥終不憂鼎俎晝馴識賓
 客夜悍為門戶知我當北還掉尾喜欲舞跳踐趨僮僕吐舌喘
 汗雨長橋不肯躡徑度清深浦拍浮似鵝鴨登岸劇虓虎盜肉
 亦小疵鞭箠當世汝再拜謝恩厚天不遣言語何當寄家書黃
 耳定乃祖

詩話

烹寺僧犬

見佛寺門

新編古今事類聚後集卷之四十終

亦小或難逢當世或再拜稽首恩皇天不費言
 平雨是辭不肯顯到妻妻氣漸非我必與謝登早
 容交早為門只吹好當北巖軒吳喜浴其細效
 為象本感德幸非為之主念清日感明必不遠
 異取豐豐歸歸

蕭子觀

